

TINDZABA LETISHISAKO

LETINKHULU KUNATO

TONKHE EMLANDVWENI



Asichubeke nekuma, imizuzwana lembalwa nje, sentele livi lemkhuleko.

² Babe wetfu loseZulwini, njengoba sisondzela esihlalweni saKho sebukhosи sebuNkulunkulu semusa kusihlwa, siyabonga kutsi kunesihlalo sebukhosи semusa, ngoba kuyoba yintfo leyesabekako kitsi kutsi site esihlalweni sebukhosи sebulungiswa. Kodvwa Khristu uhlangabetane nako konkhe loku, bulungiswa, betfu futsi usibuyise kuBabe wetfu, futsi sita manje ngesihawu, sicela Wena kutsi ucinise Livi laKho kanye natsi kusihlwa, ngekuhlangana natsi, lapho kubhalwe khona kutsi, “Lapho lababili noma labatsatfu babutsene khona ngeliGama laMi, Ngiyobasemkhatsini wabo.” Manje, siyabonga ngalesetsembiso lesi, futsi siyati kutsi Ugcina sonkhe setsembiso.

³ Futsi sicela Wena kutsi ubusise labo labaseNdleleni, kutsi Utobakhutsata, bente batidzelile kusihlwa, bonkhe, kutsi baphume, futsi kulobunemvula nalobubi, busuku lobunemoya, kukhombisa tinhloniphо tabo nelutsandvo ngaWe. Manje, sikhulekela kutsi Utobusisa labo labagulako nalabadzingile kusihlwa, kute baphiliswe kunoma ngusiphi sifo labanaso, ngeBukhona baKho. Busisa labo labangakwati Wena kusihlwa, baphe sibusiso lesinjalo kute bakutsandze Wena, futsi batogucula tinhilitiyo tabo kuWe ngaphambi kwekushiya lesakhiwo. Siphe kona, Nkhosi.

⁴ Busisa tinceku taKho, bafundisi baKho, bavangeli baKho, bonkhe lolapha emhlanganweni, nakulenye indzawo. Kwangatsi Moya loyiNgcwele angaba setimphilweni tetfu, kute labanye babone futsi bomele kuba naYe. Sicela, eGameni laJesu. Amen.

⁵ Ningahlala phansi. (Ngitobeka leti phansi umzuzwana nje.) Ekufundzeni umBhalо, kusihlwa, njengoba sitongena ngco emlayetweni nganca yekushiywa sikhatsi kancane, sitfolakala eVangelini laLukha loNgcwele, sahluko 24 nelivesi lema 32:

Futsi batsi lomunye kulomunye, Inhlitiyo yetfu ayivutsi yini ngekhatsi kwetfu, lapho asakhulumа natsi ngendlela, nalapho asasivulela imibhalо?

⁶ Nesihloko sami kusihlwa ngulesi: *Tindzaba Letishisako Letinkhulu Kunato Tonkhe EmLandvweni*. Nesifundvo sami

sitsi "Wota, Kholwa, Futsi Hamba."

⁷ Ngiyamangala ngaleto letinkhulu, letigcamile, tinsuku letingemashumi lamane kutsi iNkhosi yetfu yayisemhlabeni ibonakala kubafundzi baYo nalabanye emvakwekuvuka kwaYo. Ngike ngema sikhatsi lesinengi futsi ngacabanga, "Kube-ke bengilapho!" Futsi ngaphansi kwaloko kulindzela lokukhulu, kutsi kwenteka kanjani kutsi wonkhe umgwaco ungaahle uhhlangane naYe, buso nebuso, iNkhosi Jesu levukile. Intfokoto lenje pho lobekuyoba ngiyo kuhlangana naYe futsi wati kutsi Loyo bekunguYe!

⁸ Kodvwa ke, emcabangweni wesibili waloko, emva kwekucabanga kutsi bekungaba ngulokutfokotissa kanjani kuhlangana neNkhosi njengoba kwenta labobafo, Kleyophase nemngani wakhe asendleleni yakhe leya e-Emawuse...Futsi Wakhulumma nabo lusuku lonkhe, futsi abazange baMbome. Besoke, ngalobobusuku ngesikhatsi Abahlanganisa ndzawonye, ngesikhatsi ba...Wenta kwangatsi Bekatochubeka ngakubo, abashiye, ayongena ehhotele lelincane, noma indzawo yetivakash, futsi baMncengisia kutsi Ufanele ahiale, futsi ahiale nabo. Futsi bebasolo baMphocelela, waze ekugcineni Wahamba wangena nabo.

⁹ Lusuku lonkhe, bangati kutsi BekanguBani, kwase kutsi-ke ngesikhatsi baMtfolo a..., noma, ngekhatsi futsi bavala iminyango, Wenta intfo leyayikhona, kubenta bati kutsi bekunguYe. Futsi emvakwekukhuluma naYe lusuku lonkhe, siMuva ashumayela ngaleminyaaka lemitsatfu Aselamhlabeni, kwase kutsi-ke emvakwekuvuka kwaKhe siMuva ashumayela, futsi abaMbonanga waze Wenta intfo letsite njengoba nje Enta ngaphambi kwekubetselwa kwaKhe, base-ke bayati kutsi Loyo kwakunguYe.

¹⁰ Futsi manje, akusiyo yini intfo lengakejwayeleki kutsi kubita intfo letsite eluhlangotsini lwalokungetulu kwemvelo kusenta sicondez kutsi nguYe, loko kufundzisa, lucobo lwako, kungeke kukwento? Akazange atfume liBandla laKhe, ngalesosikhatsi, kutsi lihambe futsi lifundzise Livi, Watsi, "Nishumayele liVangeli," noma nibonakalise liVangeli. "NeliVangeli alifikanga ngelivi kuphela, kodvwa ngemandla, netibonakaliso taMoya loyiNgcwele," kwasho Pawula. Manje, ngako-ke livesi lelilandzelako litsi, kuMakho 16, "Letibonakaliso leti tiyophekeletela," noma tilandzele, "labo, labo labakholwako." Khona-ke niyabona, kubita kupheleketela kwesibonakaliso sekuvuka kucinisa Livi, kwenta Jesu atiwe ngalokungiko kubantfu.

¹¹ Ngako bekusikhatsi lesikhulu, letotinsuku letingemashumi lamane letikhatimulako. Beningatsanza kanjani kuba lapho! Kodvwa-ke, ngicabanga futsi, kutsi bengifanele ngibe likholwa, ngoba Akavelanga kumuntfu ngaphandle kweliBandla

laKhe lelikhetsiwe. Ubonakala kuphela emakholweni. Futsi njengoba Bekanjalo ngalesosikhatsi, Angeke agucuke, namuhla Usabonakala kuphela eBandleni laKhe lelikhetsiwe, emakholwa.

¹² Manje, sitfola kutsi bekunalabanengi labafundziswe nguMesiya ngaletotinsuku, futsi bekunalabanengi lebebabbheke Mesiya lotako, kodvwa BekaneliBandla lelalikhetsuwe, kanjalo naYe kusihlwa. Futsi loko yi, lapho ngishiye khona kusukela itolo kusihlwa, liBandla lelikhetsiwe, wase-ke Ubonakela eBandleni laKhe lelikhetsiwe kuphela, bonkhe lalabanye babo abaMbonanga. Futsi kube Bekalapha namuhla, Bekatokwenta nje lokufanako njengoba Enta ngalesosikhatsi, abonakala ekholweni lelikhetsiwe, Akatibonakalisi kulongakholwa.

¹³ Kungani Jesu angakwentanga, emvakwekuvuka kwaKhe, uma Bekakhatsalele kakhulu wonkhe umuntfu ati kutsi Bekavukile kulabofile, khona-ke ngiyatibuta kutsi kungani Angenyukanga kutsi akwente, yebo-ke, atsi, Philatu, noma kuHerodi, futsi atsi kubo, “Niyabona, ngilapha. Bewucabanga kutsi uNgitfolile, bewungacabangi kanjalo? Kodvwa Ngikutjelile kutsi Ngitovuka ngelusuku lwesitsatfu, ngako Ngilapha”?

¹⁴ Noma Akayanga ngani kuKheyifase, umphristi lomkhulu, noma aye ebandleni lemtsetfo, entasi esinagogeni, futsi atsi kubo, “Manje, nonkhe benihlala njalo nikholwa kutsi kuyofika Mesiya, naDavide washo kutsi uMphefumulo waKhe wawungeke ushiyiwe esihogweni, kanjalo futsi Bekangeke avume kutsi loNgewe waKhe abone kubola, ngako ngilapha, Loyo lenambetsela esiphambanweni, Ngilapha ekuvukeni kufakaza kini kutsi NginguMesiya”? Akakwentanga leni loko? Ngoba kube bebaneke baMkholwe ngesikhatsi Alapha emhlabeni anguMuntfu ngaphambi kwekubetselwa kwaKhe, bebaneke baMkholwe emvakwaloko.

¹⁵ Futsi ngako-ke bebatsi, “Kukhona lokunye lokwentekile, bekangafani ngalokuphelele, noma bafundzi bakhe bebaneluuhlobo lolutsite lwekugcina sidvumbu singaboli lokwambuyisa ekuphileni, noma lokutsite lokwakwentekile.” Ngako Wabonakala kuphela kulabo labaMkholwa, futsi baMtsandza, futsi wakhetfwa kutsi aMbome. Leyo yindlela lefanako Layokwenta ngayo namuhla, uma Afanele efike namuhla, naloko Lanako, esimeni saMoya.

¹⁶ Futsi niyacaphela kutsi Utikhombisa Yena kuphela, njengoba sishiye itolo ebusuku ku-Abrahama, Akazange ehlele ecenjini laLoti, kodvwa Wabonakala eCenjini lelikhetsiwe, Wafulatsela lithende, wase utsi, “Upfi umkakho, Sara?”

¹⁷ Watsi, “Ethendeni.” Futsi Washo kutsi bekutokwentekani nekutsi-nekutsi bebatoba kanjani nalomntfwana, naSara

wahleka, futsi Watsi, “Uhlekeleni Sara?” NaSara wetama kukuphika.

¹⁸ Futsi Jesu, ngesikhatsi, Atsi, “Njengoba bekunjalo etinsukwini ta—taLoti, kuyoba njalo ekubuyeni kweNdvodzana yemuntfu.” Niyabona? Manje, leyoNgelosi ayizange yehlele kulesosicuku saseSodoma, Yahlala kuphela nalabaBitelwe ngephandle nalabaKhetsiwe. Bebanetitfunywa tabo, nemehlo abo aphumphutsekiswa eMnyango, kodvwa liCembu lelikhetsiwe labona Nkulunkulu abonakaliswe enyameni.

¹⁹ Futsi loku, kulokusa loku lokukhulu kwekuvuka, babona Nkulunkulu abonakaliswa enyameni. Kufa bekungeke kuMbambe. Futsi Weta kuphela kulabaKhetsiwe baKhe, hhayi kulamanye emabandla nhlobo, kulaBakhetsiwe baKhe nje. Manje, Akayanga ngani ebandleni? Wakwenta ngesikhatsi Efika, Weta kubaKhe luCobo, futsi abaMemukelanga.

²⁰ Manje Sewufike ngesimo saMoya loyiNgcwele, e...hhayi ebandleni, kodvwa eBandleni lelikhetsiwe, futsi tsine, liBandla, kuMyisa kulabangakholwa. Ngitsi lesitovumela kuPhila kwaKhe kukhanye ngatsi kute labanye bakholwe. Ngitsi, Khristu eBandleni, lokhanyisa Bukhona baKhe ku, kuMenta abonakale kubo bonkhe. Ngako-ke, Yena, uma Atikhanyisa Yena lucobo embili, njalo, ngetimphilo temakholwa aKhe lakhetsiwe, labo labakhetsiwe ekuPhileni lokuPhakadze, bayaMemukela, Watsi, “Timvu taMi tiyaliva liPhimbo laMi, umfokati tingeke timlandzele, kodvwa timvu taMi tiyaliva liPhimbo laMi,” Watibonakalisa Yena lucobo kulobitelwe ngephandle neliBandla lelikhetsiwe. Wenta intfo lefanako eBandleni namuhla kutibonakalisa Yena lucobo ngetidalwa taKhe, tsine, liBandla, liBandla lelibitelwe ngephandle.

²¹ Umlayeto wetfu, ngako-ke, empeleni tindzaba letishisako letinkhulu kunato tonkhe umlandvo lowake watati. Kubekhona tonkhe tinhlobo tekutentisa, nakanjalonjalo, kodvwa umlayeto libandla lelinawo tindzaba letishisako letinkhulu kunato tonkhe letake tashaya umhlaba. Yebo, mnumzane. SaMngcwaba, afile, kodvwa Uvukile futsi uyaphila futsi. Bekafile ngesikhatsi siMngcwaba, futsi manje Uphila kute kube phakadze. Ecinisweni kungemaciniso. Akafi, kodvwa Uphila kute kube phakadze. Umlayeto lonje pho, kumanyata lokunje pho! LiBandla belifanele lijabule. LiBandla lifanele lishise loku etinhltiyweni tawo wonkhe umuntfu Labahlangana naye, Akafi kodvwa uyaphila.

²² Kufanele kwente tihloko tetindzaba letihamba embili ndzawo tonkhe. Kodvwa abakukholwa, kungalesosizatfu kungenti tihloko tetindzaba letihamba embili. Kodvwa ekholweni, kwenta sihloko sendzaba lehamba embili enhlitiywensi yelikholwa. Uma akubona futsi akuvuma, kuyamjabulisa ngetulu kwayo yonkhe intfo lebeyingake yentiwe.

Kuphonsa sihloko sendzaba lehamba embili lemnyata yonkhe lenye intfo yemhlaba ifile. Batsi nje bangabona kutsi Uyaphila nangeLibandla laKhe, lokujabulisako lokunje pho ekholweni! Tihloko tetindzaba letihamba embili letinkhulu kunato tonkhe lebetingakhishwa, tilungile, umlayeto wetfu namuhla, umlayeto weliPhasika.

²³ Kodvwa sivumela liPhasika elusukwini lunye emnyakeni, lelo liPhasika letfu, lusuku lunye emnyakeni liPhasika. Nsuku tonkhe emnyakeni kutsi, bekufanele kube liPhasika. Nsuku tonkhe tifanele tibe lusuku lolujabulisako lwekuvuka. Kodvwa niyati kutsini, bahlanganise umlayeto weliPhasika, futsi bawuhlanganise nemacandza lapendiwe, ne—netimbali, netigcoko letinsha, nabologwaja, futsi ngako-ke liPhasika yindzaba lengenamaciniso nje. Kodvwa kulokholwako lowatiko, lusuku nelusuku, baphila ePhasikeni, ngoba Uvukile kulabafile, futsi Uyaphila kute kube phakadze etinhlitiyweni, Atenta atiwe eBandleni laKhe, lusuku nelusuku, “Letibonakaliso leti tiyobalandzela labakholwako.”

²⁴ Manje, uma utsi ulikhola, naletotibonakaliso tingakulandzeli, khona-ke kusekhatsi kwekutsi ukhulumbe intfo leliputsa, noma usho kutsi Washo intfo leliputsa. Ngoba Jesu watsi, “Letibonakaliso leti tiyolandzela likholwa, ngeliGama laMi bayokhipha emadimoni, bakhulume ngetilimi letinsha. Nangabe bebafakelw shevu, banatse lokubulalako, bekungeke kubalimate. Uma babeka tandla etikwalabagulako, bayosindza.” Tibonakaliso talolohlobo lulandzela likholwa. Futsi nguloyo Labonakala kuye, ekholweni, ngako-ke letotibonakaliso tilandzela likholwa.

²⁵ O, kuyintfo lenhle kanjani pho yeliBandla laKhe, emvakweminyaka lengemakhulu lalishumi nemfica, cishe emnyakeni letinkhulungwane letimbili leyendlula, kwati kutsi Uyaphila! Sihlangana naYe kuwo onkhe emajika emgwaco, kuwo onkhe emakona, kuyo yonkhe indzawo lesiya kuyo sibona Jesu, niyabubona Bukhona baKhe lobuphilako bugeleta njengekuKhanya lokukhatimulako lokuvela eBandleni laKhe lelikhatimulako laNkulunkulu lophilako. Sifanele kubonga kanjani ngaloko!

²⁶ Umlayeto waniketwa ethuneni, “Wotani, nibone. Hambani, nibatjele.” Intfo yekucala, “Wotani, futsi nigculiseke.” Bantfu baletinsuku leti abafuni kuta, kutobona. Labo labetako, abakhoni kuhlala imizuzu lelishumi, imizuzu lesihlanu ngaletinye tikhatsi, uma uphambana nendlela yabo, sebahambile. “Wota, ubone.” Ungalunguti nje ngekhatsi nje, mani futsi ukubukisise.

²⁷ “Wotani, nibone. Bese-ke, niyahamba, futsi nibatjele” Nguloko Lakutjela besifazane ngaloko kusa ethuneni, “Wotani, futsi nibone lapho Bekalele khona, kodvwa Akasekho

lapha. Khona-ke hambani, nitjele bafundzi baKhe kutsi ‘Ngitohlangana nani ngale eGalile.’”

²⁸ Hambani, nitjele bani? Bafundzi bakhe labadidekile. Bebadidekile impela, futsi bebangati kutsi benteni. Labanengi babo besebabuye emuva emanethini abo etinhlanti, bebafunga kubuyela emuva kuyobamba tinhlanti. Bebadidekile ngoba bebangati kutsi yini, kutsi batokwenta kanjani kutsi bakhone kutfola imali leyanele. Bebetsembe mbamba kutsi BekanguMesiya, futsi nangu Bekafile, futsi—futsi bebangati kutsi benteni manje. Kodvwa, “Hambani, nitjele lelibandla lelididekile kutsi Ngiyaphila, futsi Ngitohamba embikwabo, futsi Ngitohlangana nabo eGalile, njengoba Ngetsembise kukwenta.”

²⁹ Lelobandla, lelididekile ngaleso sikhatsi, alilibi kakhulu kwendlula libandla lelingiko namuhla. Lisaloku lididekile, alikhoni kucondza imiBhalo, lingke lacondza kutsi kungani loyoMakho 16 wabhalwa eBhayibhelini, futsi bona, badideka kakhulu, batsi, “Wawungakaphefumulelw.” Futsi batfola leminye imiBhalo, futsi batsi, “Moya loyiNgcwele wasetjentiswa kulolunye lusuku, futsi hhayi lolusuku lolu.” Batfola leminye imiBhalo lapho imimangaliso yayitokwentiwa khona, futsi basho kutsi tonkhe tinsuku temimangaliso selwendlulile.

³⁰ Ukhulumma ngekudideka! Sebangetulu kwekudideka manje, kwendlula loko bebangiko ngaletotikhatsi, kodvwa intfo letsite njengoba bebanjalo, ngoba intfo kuphela labobafundzi lebebefanele ibadvudvute bekusentakalo lesendlulile. Nelibandla namauhla liyindzaba lenkhulu ngaleyondlela, ngisho nakumaPhenthekhostali, betama kutenetisa ngeTento 2:4, lesinye sentakalo lesendlulile. Kodvwa, o, loyomlayeto waNkulunkulu lophilako usaphila nanamuhla. Kungani udidekile? “Ngihamba embikwakho. Angikafi, Ngiyaphila,” Utsi, “kute kube phakadze.”

³¹ Kodvwa labadidekile, badideka kakhulu bate bazame ukuhlela lenye *imfundiso* legcamile ensha, futsi akusiko kudze kutsi leyo *izimu* legcamile lensha, ifana njalo, iba yi *wazimu*. Banemvula yamuva, nemvula yekucala, nemvula lesemkhatsini nendzawo, *naloku*, *nalokwa*, *nalokunye*, luhlobo lolutsite lwenhlangano, lihlelo, futsi kwentekani kuyo? Iyafa, njengoba nje yonkhe inhlangano ifa.

³² Futsi ba—ba—badidekile, “Yebo-ke manje, asati kutsi sitokwentanjani, sifanele sihlanganise labantfu laba ndzawonye. Si—sifanele sitehlukanise *nalelicembu*, noma *kulelocembu*.” Solo basedidekile nje, bangati kutsi batokwenta njani, abawati umlayeto weliPhasika sibili. Umlayeto sibili weliPhasika wawungeke, wente tinhlangano, wawu, wekutsi uhambe futsi ushumayele liVangeli, ubonakalise emandla aMoya loyiNgcwele, futsi uMvumele atsatse liBandla alifake esandleni saKhe.

Kodvwa basaloku badidekile, abati kutsi benteni, nekutsi kanjani.

³³ Nebantfu bebafele bacondze kutsi sonkhe sikhatsi, kwehle ngemlandvo, Ngicela noma ngumuphi siyazi wetenkholo, noma ngumuphi somlandvo, kutsi ake angitjele, kutsi lapho Nkulunkulu ake atsatsa khona inhlangano futsi wenta noma yini ngaphandle kwekwenta licembu lebantfu. Yinchubo leyentiwe ngumuntfu. Hhayi bantfu ekhatsi lapho, kodvwa yinchubo yenhlangano. Futsi sonkhe sikhatsi uma Nkulunkulu atfumela imvuselelo, Wasusa umuntfu enhlanganweni letsite kutsi acale imvuselelo. Futsi sonkhe sikhatsi uma loyomuntfu, ngesikhatsi, emvakwekuba sekacale imvuselelo, nebantfu emvakwayo bayayihlela, lafa khona lapho futsi aliphindzanga lavuka. Manje, ngikhombise likhasi lemlandvo, nenombolo, lapho kwake inhlangano yavuka khona emvakwekuba seyike yahlela, yafa khona lapho. Baba bantfwana labatelwe bafile, futsi loko bantfwana labafile. Labakudzingako kubhansuta lokutsite kweliVangeli, impela, kulibuyisela ekuPhileni futsi.

³⁴ Manje, kodvwa njengoba kwakunjalo ngalesosikhatsi, ngesikhatsi letiTfunya leti tivela ethuneni ngaloko kusa, kutjela labafundzi laba kutsi Bekavukile kulabafile, futsi bekaphila emkhatsini wabo, futsi bekahamba embikwabo, futsi Bekatohlangana nabo endzaweni lekhetsiwe letsite, kuyintfo lenhle kanjani pho noko, Khristu wetfu usasolo ahamba embikwetfu! Kunendzawo lekhetsiwe, "Ngitohlangana nawe emoyeni ngaloko kusa." NeliBandla, Lisakukholwa.

³⁵ Lona mbamba, liBandla leliciniso laNkulunkulu lophilako, silindzele loloshintjo lolutako, uma sibuka indlela lelichuba ngayo liBandla laKhe, iNtalo ya-Abrahama, yenyuka njengoba enta ku-Abrahama, futsi sisasolo silindzele manje loyomhlangano lomkhulu emoyeni, lapho siyoMbona khona, sibanjwe nalabo lebebalindzile emvakwetfu. Batovuka kulabafile futsi sitophiliswa ngesikhashana, ngekucwabita kweliso, futsi sihlwifwe kutsi siMhlangabete emoyeni, futsi sibe naYe ingunaphakadze. Sisenako kucondzisa, futsi sifanele sibambelele kuloku, futsi sikukholwe ngetinhlitiyo tetfu tonkhe.

³⁶ Kodvwa bona, ngalolosuku, bebamatasatasa kakhulu, batsatsa naletinye tintfo, futsi baphonsa emanethi abo, futsi babuyela ekudwebeni kwabo. Tsine namuhla siyintfo lefanako, itsetfwe ngulokunengi kakhulu lokwehlukile *loku*, *lokwa*, *nalokunye*, netimfundziso letigcamile letinengi kakhulu, nemahlelo lamanengi kakhulu, netinhlangano letinengi kakhulu, neligonsa lesifundza lelikhulu. Futsi sifanele sibukisise impela kutsi hlobo luni lwemhlangano lesibambisana nawo, ngoba supharinthende wesifundza utosicosha. Bese—bese—ke uma sehlela emhlanganweni *lotsite-tsitsite*, umelusi utosicosha. Futsi uma i, o, umbhishobhi utokwenta lokutsite kitsi, noma libandla litosincuma ebandleni. O, futsi simatasatasa kakhulu

sibuka emalunga etfu kubona kutsi akayi kulelinye libandla, noma sibe nanoma yini lenye lesingayenta ngaphandle nje kwelicembu letfu lelincane.

³⁷ Simatasatasa kakhulu ngaloko, kufana nje nemalunga ekuntjintjanisa lomunye nalomunye, futsi kufana nje nekutsatsa sidvumbu sinye kusuka emoshali siye kulenyne, impela nje. Angati kutsi kuvuka sekwendlulile futsi sesivele siyakutfokotela, kodwa nje kuntjintjaniswa kwesidvumbu sisuka kulesinye siye kulesinye, cishe ngendlela nje lokujika ngayo.

³⁸ O, kulukhuni kubo kukucondza, kutsi Khristu wetfu uyaphila, Akafi, kodvwa Uphila kute kube phakadze, futsi Unguye itolo, namuhla, naphakadze. Kodvwa simatasatasa kakhulu, satsatsa tintfo letinengi letehlukene, libandla linalokunengi kakhulu lelifanele likwente, futsi limatasatasa kakhulu *ngaloku nalokwa*, asinaso sikhatsi sekubuka kuletintfo leti. Futsi uma sikuva kuvela esitfunyweni, “O, tindzaba njengoba bebakholwa ngalesosikhatsi. O, labo besifazane labatiwula bekangesheya lapho, kulukhuni kusho kutsi ba... Benta lokutsite.” Niyabona, simatasatasa kakhulu ngaletinye tintfo. Kungani singatsatsi sikhatsi lesincane sekukudadisha? Wahlala phansi embikwaKhe, futsi, “Wotani, asicocisane ndzawonye, kusho Nkulunkulu. Naloku nje kungakholwa kwakho kubabovo, kuyobamhlophe njengelichwa; naloku nje kubovo njengalokububendze, litawubamhlophe njengeboya betimvu.”

³⁹ Kodvwa simatasatasa kakhulu. Sifanele sibone kutsi akukho namunye webakambili betfu longabi ngubakamtsatfu, nebakamtsatfu betfu abasibo bakamunye, nakanjalonjalo, sifanele nje siciniseke kutsi siyakubukisia loko. Futsi lokungiko, Khristu aphiла sonkhe sikhatsi eBandleni laKhe, futsi si—si, njengoba ngishito, sisuka emoshali siya emoshali, futsi nako lapho sikhona. Manje, nguleyondlela nje lobekungayo ngalesosikhatsi, kungaleyondlela namuhla, intfo letsite entfweni lefanako.

⁴⁰ Labanye bantfu benta liVangeli libeludvwendvwe lwemngcwabo. Kunjalo. Baya esontfweni futsi kwangatsi nje bekuludvwendvwe lwemngcwabo. Labanye bakwenta kube ngumdlalo wekuzubazuba. Kunjalo. Labanye babo bakwenta nje kube ngumdlalo wekuzubazuba, sikhatsi lesikhulu nje kuhamba futsi badlale sicuku semculo, bagcume bayetulu naphansi langembili, badanse yonkh'indzawo langembili, noma entasi esikhaleni setitulo, futsi bagijime, bahlale phansi, futsi bakhulume ngabomakhelwane babo. Kunjalo. Labanye babo locabanga kutsi bafanele beme futsi basho tindvumiso, baphindze basho sivumokholo semp hostoli, *lesibitwa kanjalo*. Ngifuna kutsi, umuntfu lotsite, kungikhombisa intfo yinye lebhalwe ekhatsi Kunesivumokholo semp hostoli.

“Ngiyakholelwa eBandleni leliNgcwele leRoma leyiKhatolika.” Angikholelwa. “Ngikholelwa ebudlelwaneni nalabangcwele labafa.” Loko kakhonta imimoya yalabafa, angikwenti. Kodvwa bamatasatasa kakhulu batentela letotintfo, futsi batentela ludvwendvwe lwemngcwabo.

⁴¹ Akusilo ludvwendvwe lwemngcwabo, futsi kanjalo akusiwo umdlalo wekuzubazuba, kungumkhosi, umkhosi naKhristu, lapho labakholwako:

“Wotani nidle,” iNkhosi iyabita, “Wotani nidle;”
Ningadla lidzili etafuleni laJesu ngaso sonkhe sikhatsi;
Loyo lowondla sicuku, wagucula emanti aba liwayini,

Loyo Jesu lofanako uyaphila kusihlwala.

Kulabalambile uyabita manje, “O, wotani nidle.”

Ngumkhosi futsi hhayi u—umdlalo wekuzubazuba, futsi kanjalo akusilo ludvwendvwe lwemngcwabo.

⁴² Manje, umlayeto ukutsi Uhamba embikwetfu, embikwetfu. Akekho ethuneni emvakwetfu, Usembikwetfu, enta indlela. Sifanele silandzele, hhayi kubuka emuva ethuneni, kodvwa kubuka embili, indlela Lahola ngayo. Ngoba UNGUMholi wetfu, sitoMlandzela, hhayi kubuka emuva emathuneni.

⁴³ Mariya, ngaloko kusa, bekalimele kahle libandla lelididekile. Walimelela kahle, ngoba bekase—semgudvwini lofanako lelihleti kuwo namuhla. Watsini ngesikhatsi aMuva akhulum, “Mariya, ini...? Mfati, ukhalelani?”

⁴⁴ Watsi, “Bemuke neNkhosi yami, futsi angati kutsi benteni ngaYo.” Loko kutsi akube ngaleyondlela libandla lelime ngayo namuhla, “Bemuke neNkhosi yami, futsi angati kutsi ngingAmtfolaphi. Ngitame tonkhe tidlotenkhos tabo, ngitame yonkhe imibhabhatiso yabo yemanti, ngitamile emaMethodisti, emaBaptisti, emaPresbyterian, emaPhentekhostali, emaKhatolika, nabo bonkhe, futsi angikhoni kuMtfol. Uma umBhalo utsi Unguye itolo, namuhla, naphakadze, Undzawanatsite. Uma Angakafi khona-ke Uyaphila, Angeke aphile futsi afe ngesikhatsi lesifanako.” Ngako Mariya bekamelele kahle libandla, “Bemuke neNkhosi yami, futsi angati kutsi bakuphi...kutsi benteni ngaYo.”

⁴⁵ Libandla liyacabanga namuhla, “O, bekunaKhristu lomkhulu wemlandvo. Wa—Waphilisa labagulako, Bekakhona kuhlola imicabango yenhlitiyo yabo. BekanguKhristu wemlandvo. Weta eticukwini, Weta kuPhetro, futsi Watsi kuPhetro, ligama lakhe bekunguSimoni, watsi, ‘Ligama lakho unguSimoni, ligama lababe wakho bekunguJonase.’ O

impela, loyo bekungu Jesu lowenta loko. Leso bekusibonakaliso saMesiya, ngekwemiBhalo, lokwashiwo ngumprofethi.”

⁴⁶ Akazange afundzise ngisho nayinye intfo, kanjalo naPawula akazange. Ngesikhatsi Pawula aletfwa embikwa-Agripa, watsi, “Ngishumayele kuphela loko Mosi nebaprofethi labatsi kuyofezeka. Futsi kungani ningilahla ngelicala,” watsi, “uma ngishito kuphela loko lokwashiwo nguMosi, loko baprofethi lebebatsite kuyofezeka? Ngabe kuyintfo lengakejwayeleki kuwe, o, Agripa, kukholwa ekuvukeni kwalabafile, ngifuna nati kutsi Nkulunkulu ukuvuka kwalabafile?” Unjalo ke naYe nanamuhla.

⁴⁷ Manje, kodvwa Mariya watsi, “Yebo-ke, si...Ngiyati ngake ngaMati.” Kodvwa bekakhala ngelusizi, ngoba wake waMati, kodvwa U...bebane, bebaMtsetse bamsusa. Futsi kungaleyondlela namuhla. Ngamunye wetfu utama kulolunye luhlobo lwesayensi yetenkholo yekudzabuka kwetintfo kutama kuhlokolotela phansi, neluhlobo lolutsite lwesayensi yengcondvo emphinjeni walomuny’umuntfu futsi abatjele, “Tsine si—sikhola loku, futsi siphindze sikhola lokwa.” Kodvwa Jesu watsi, “Loyo lokholwa ngiMi, lemisebenti leNgiyentako mine, naye utoyenta.”

⁴⁸ Nelibandla latsi, “Bemuke neNkhosi yami.” Bentani ngaYo? Noko, namuhla, labanengi ngenca yekushoda, nekunesa, nekondza kwelibandla, ukholwa kutsi indzaba yemaJuda, emuva lapho, leyacocwa, kutsi beta baMeba bamkhipha ethuneni ngesikhatsi sasebusuku, basacabanga kutsi kunjalo. Ngikholwa kutsi kwakucishe kube ngemaphesenti langemashumi lasikhombisa emaPhrothestane bekangakholelwa ngisho naseku—ekuvukeni ngekwenyama, noma kufika sibili, tibalo takukhombisa. Bakuphika kalula. Labanengi babo, tinkhulungwane tabo baphika kutala kwentfombi ntfo.

⁴⁹ “Bemuke neNkhosi yami.” Ngani? Bafanele. Uma ningekte nikholelwe ekuvukeni ngekwenyama, khona-ke ungeke ushumayele Khristu longuye itolo, namuhla, naphakadze. Ungeke ulitsatse Livi laKhe, pho kutsiwani ngako? Sitenta labangakholwa nebaphikinkholo. Akumangalisi libandla lelincane likhala, “Iphi iNkhosi yami? Uphi Nkulunkulu wemlandvo? Uphi Jesu lobekakhona, lowatsi Uyoba natsi, njalo Uyohamba embikwefu, futsi Uyoba kitsi kute kube sekupheleni kwemhlaba, lemisebenti Layenta?”

⁵⁰ Futsi uma libandla libona loko kufezeka, bamatasatasa kakhulu ngekwenta tinhlangano, futsi loko akuphumanga enhlanganweni yabo, bakutsatsa ngekutsi ngudeveli, futsi bakulahle, ngayo impela indlela nje labenta ngayo ngeletotikhatsi. Ngako kusasolo kukudideka!

⁵¹ “Bemuke neNkhosi yami. Ngike ngaya etafuleni lesidlosenkhosi, bangitjela kutsi uma ngita, ngitsatse iyukharisti

lengcwele, futsi—futsi ngikholve ebandleni kutsi... Yebo-ke, ngahamba futsi ngenta loko, futsi ngabonani? Kute. Incumbi yesayensi yetenkholo, incumbi yesayensi yengcondvo, kodvwa kutfola iNkhosi yami levukile, angiyiTfolanga. Bangitjela kutsi uma ngitofafatwa, ngi—ngitokutfola impela, futsi ngenta ngaleyondlela. Bangitjele kutsi uma ngingabhabhatiswa ngibuke ngembili, loko kuyoba ngiko, emuva, ngiyokutfola ngaleyondlela. Ngente yonkhe imibhabhatiso, ngijoyine onkhe emabandla, ngifundza tonkhe tivumokholo tabo, futsi iphi iNkhosi yami? Ngubani lowaMtsatsa?"

⁵² "BaMtsetse." Ngubani lowaMtsatsa? Inhlanguano yaMsusa. Manje, kuphike loko kanye, futsi ngitofakaza kini kutsi loko kungemlandvo impela, lentfo leyaMtsatsa yamsusa, yenta libandla laseKhatolika, bekuyinhlanguano. NemaPhrothestane ajika abuyela ngco emuva, futsi enta intfo lefanako libandla laseKhatolika lelayenta, wente inhlanguano ngako. Futsi uma wenta loko, ususa Nkulunkulu. Bukisisani umlandvo, bukisisani imiBhalo, futsi nibone kutsi akukagcwaliswa yini, impela. "BaMtsetse."

⁵³ Nginemnaketfu laphaya, unguWakamunye, futsi nginaye munye ngalapha longuWakambili, futsi nginaye munye phansi lapha *ungulomunye*, noma intfo lefana naleyo. Kuyini? Ngulama *izimu* lamancane laba ngiko, emvakwesikhashana, *wazimu*. Loko kunjalo. Kodvwa kuyini? Umlayeto usasolo ufana nje: Khristu wavuka kulabofile. Ungakhombisi umuntfu enhlanganweni, noma esimeni lesitsite sentfo letsite, umkhombe kuJesu Khristu, Longuye itolo, namuhla, naphakadze, Uvkile kulabofile, futsi NguYe lofanele ubuke kuye. Namuhla sifuna kubakhomba kuletintye tetikolwa tetfu letinkhulu tesayensi yetenkholo, lenye yenhlanguano yetfu.

⁵⁴ Kodvwa likhambi lakhe lefika lekukhala kwakhe, nekushonelwa kwakhe. Likhambi lakhe lefika, kulahlekelwa litsema kwakhe kwase kuphelile ngesikhatsi eva ligama lakhe libitwa, futsi waMbona njengeNkhosi yakhe. Futsi wabutwa, "Kungani nifuna kuphila emkhatsini walabofile?" Futsi Mariya watfola kutsi iNkhosi yakhe yayingekho kuletotivumokholo letifile. Futsi kwatsi nje libandla lingacondza, njengoba kwenta Mariya, kutsi iNkhosi yetfu levukile ayikho kusivumokholo, kusentakalo lesiccondzene nemuntfu ngembhabhatiso waMoya loNgewelesenhliyweni yelikholwa... Akekho kusivumokholo, Akekho etinhlanganweni telibandla, Akekho, Usenhliyweni yelikholwa. Bekangekho nemathuna abo lafile, ngephandle lapho, kodvwa Bekaphila.

⁵⁵ O, u—umlayeto lonje pho longawuyisa ebandleni kusihlwa! Ngabe bayakwemukela? Akukho ngetulu kwaloko, ngalesosikhatsi...kubi kakhulu manje kunaloku bekungiko ngalesosikhatsi. Ngesikhatsi bafundzi bakuva, bakholwa, neliBhayibheli latsi bebajabulile. LiBhayibheli latsi,

“Ngesikhatsi beva loku, bebajabulile,” ngesikhatsi bahlangana naYe futsi babona kutsi leyo bekuyiNkhosi yabo. Kunjalo nakusihlwa, uma wesilisa noma wesifazane, umfana noma intfombatane, lovumako kumphumela ngale kwesivumokholo selibandla lakho. Angikutjeli kutsi ungabi welibandla lakho, loko kulungile, kodvwa ungawufihli nje umphefumulo wakho emvakwaleso sivumokholo, ucabanga kutsi loko kutokusindzisa. Ungeke usindziswe ute utfole Khristu njengeMsindzisi locondzene nawe neMoya waKhe ugcwalise imphilo yakho, khona-ke letibonakaliso leti tiyophekeletela labo labakholwako.

⁵⁶ Hhayi umdanso wekuzubazuba, njengoba nibone incumbi yemaPhentekhostali yenta, hhayi imoshali, njengoba ubona incumbi yabo bonkhe labanye benta, nemaPhentekhostali sekatsi kumphuma emdlalweni wabo wekuzubazuba manje, sekabuyele emoshali, nawo. Hhayi kanjalo, awubetfuleli kuloko, kodvwa kulabaphilako, Khristu lovukile. Amen. Nguloko lesi...Khona-ke ninekujabula. Njengebafundzi, uma nihlangana naYe, futsi niyati, futsi ngesikhatsi Enta sibonakaliso embikwabo futsi wabakhombisa kutsi BekanguJesu lofanako, enta tintfo letifanako Latenta, akekho lomunye lobekangatenta ngaphandle kwaKhe, futsi bacondza kutsi Leyo kwaku yiNkhosi yabo futsi bebajabulile.

⁵⁷ Ngani, Theophilus nabo, kwabatsatsa lusuku lonkhe kuya e-Emwuse, luhambo lwelisabatha, bebangekho ngephandle kwemizuzu lembalwa babuyela emuva. O, emvakwekuba sebatfole liciniso, kutsi Wavuswa, ngoba bebaMbonile aligcina Livi laKhe, futsi aLigcwala, futsi enta kona kanye nje njengoba Enta ngaphambi kwekutsi Abetselwe, bayiphutfumisa eveni lonkhe, ngiyacabanga bebashaya njalo nje emayadini lamane noma lasihlanu. Bebjakile, bebefuna kubatjela bonkhe labanye, “Impela iNkhosi ivuke mbamba!” Bebanentfo letsite enhlitiywensi yabo.

⁵⁸ Bebaneke baye ngale kutsi baphikisane nemaphuzu abo etenkholo, bebewelela ngale kutsi batsi, “Ngiyati kutsi Uyaphila. NgiyaMati ngoba Wabonakala kitsi, futsi siMbonile enta intfo lefanako Layenta ngaphambi kwekutsi Afe, ngaphambi kwekutsi baMbula enhla lapho. Futsi abazange bebe umtimba waKhe bawususe, nebesifazane ucinisile impela, ngoba Wavuka kulabafile, ngoba bekunguYe.”

⁵⁹ Babese-ke bayabukana ngesikhatsi bema ngephansi kwe, ndzawanatsite kutsi baphumule kancanyana, “*Hefu, hefu, hefu.*” Futsi watsi, “Tinhlitiyo tetfu betingavutsi yini ngekhatsi kwetfu? *Hefu, hefu.* Besifanele sati kutsi lowo bekunguYe, indlela Lahamba ngayo yonkhe indlela abuyela emBhalweni. Si... Tinhlitiyo tetfu betingavutsi yini ngekhatsi kwetfu, lapho Asakhulumu natsi endleleni, futsi wavula umBhalo?”

⁶⁰ Watsi, “Tiwula futsi,” Akazange...“lenilibele enhlitiywensi

kucondza. Khristu bekangakameli yini ahlupheke, futsi angene enkhatalimulweni yaKhe,” njengoba umBhalo washo.

⁶¹ Niyabona, bebatu kutsi loyo kwakunguJesu, ngoba Wacondza ngco nemibhalo akunandzaba kutsi labanye batsini. Futsi masinyane libandla lifika endzaweni leliyohambisana nekufundzisa kwemBhalo esikhundleni sekutama kutsatsa isayensi yetenkholo leyentiwe ngumuntfu, ngekushesha utotfolia Khristu lovukile. Kunjalo, mnaketfu. Nkulunkulu akakhelanga lesinye sisekelo kunaleso lesesivele sibekwe baphostoli. Kunjalo. O! Yebo, bebajabulile.

⁶² Emabandla anamuha agucukele kuloko lebekangiko ngeluSuku lwePhentekhosti, noko. O, kuntjintja lokungakanani labakwentile kusukela ngalolosuku! Emabandla ahlangana namuhla kuhlonipha, kubonakala kwangatsi, ngiyakutondza kusho loku, kodvwa kubonakala kimi kwangatsi emabandla ayahlangana namuhla kuhlonipha sidvumbu. Baya endzaweni futsi bahlabela *Edvute*, *Nkulunkulu waMi*, *KuWe*, nalolunye luhlobo lolunesako, intfo *lenemakhata etidvumbu* kanjalo, yenta umsindvo lodzinanako. Ngani, be—beta ngakuwe, batsi, “Manje, ake sitsi manje sivumokholo semphostoli. Ake siphindze lesivumokholo lesitsite-tsitsite kutsi Dkt. *S'bani-bani wa s'bani-bani, s'bani-bani...*” O, hhe! Njengoba watisola ngako.

⁶³ Futsi ihhafu yabo ihlala ekhaya kutobukela mabonakudze, esikhundleni sekuta enkonzweni ngeliSontfo. Kunjalo. Sifile, nje—nje sidvumbu sihambahamba, bese-ke kuba sidvumbu sishumayela, nesidvumbu sitama, asho ngesidvumbu lesake saphila, futsi sahlala ethuneni eminyakeni leminengi leyendlula, sidvumbu. Futsi nje sidvumbu, sidvumbu, sidvumbu!

⁶⁴ Batohlonipha Khristu lowafa eminyakeni lengemakhulu lalishumi nemfica leyendlula. Loko cishe impela lapho emabandla akhona namuhla, atama kuhlonipha sidvumbu, esikhundleni sekudvumisa uMncobi. Amen. Ludvumo kuNkulunkulu! Ngiyajabula kuba yiPhentekhostali enhlitiyweni, hhayi ngelihlelo, cha, mnumzane, shikisha ligama lami lapho, kodvwa njengesentakalo. Asiti, senta kuhlonipha umuntfu lotsite lofile, sidvumisa uMncobi, Lowancoba kufa, sihogo, nelithuna, nekugula, lonkhe lidimoni, konkhe kungakholwa, wakuncoba.

⁶⁵ Manje, ningacabanga nje uma lesikolwa lesi, lapha, sasinelicembu lebheyisbholi, noma licembu lebhaskethibholi, futsi baphuma futsi bancoba sitsa sabo futsi babuyela emuva, ungake ubacabange nje bemile kanjalo, bahlabela luhlobo lolutsite lweliculo lelincane njengekutsi *Edvutane Nawe Nkulunkulu Wami* kubo? Ngani bashaya imijeka futsi bayiphakamisa futsi bent... Kutsiwani ke ngesikhatsi Napoleon abuya? Kutsiwani-ke ngaStalin, ngesikhatsi baya eJalimane, kutsi bebatidubula kanjani tibhamu futsi benta

leSakhi- . . . , noma, si—sibingelelo, futsi babeke imilente yabo kuleyondesheni yaseRussia? Kutsiwani-ke ngesikhatsi bafana betfu sebabuya ekhaya basuka ekuncobeni kwabo? Tinkwela takhala, bantfu bebadlaba, badubula tibhamu, bamemeta, bashaya tinsimbi. Ngani na? Sasisincibile sitsa setfu. Ludvumo!

⁶⁶ Futsi namuhla bewungacabanga kutsi useluhlotjeni lolutsite lwemoshali, bangene ebandleni futsi ba, “*Sikholelwu kuNkulunkulu uYise Somandla.*” Ngiyakholelwu kuJesu Khristu lovukile, amen, uMncobi wekufa, sihogo, nelithuna. Ngikholwa kutsi Uyaphila kusihlwa, futsi ukulesakhwi, aphiла, natsi ngekwe setsembiso saKhe, “*Lapho lababili noma labatsatfu babutsene ndzawonye, ngitawuba semkhatsini wabo.*” Yebo, mnumzane. Hhaji inkonzo yemngcwabo letsite, kodvwa badvumisa uMncobi lonemandla!

⁶⁷ Kodvwa inkhatsato ngatsi, asibuki kuMncobi wetfu, sibuka esifundzeni setfu, sibuka kulomunye umvangeli lomkhulu, umuntfu lotsite uma . . . siyabona kutsi batsini ngako, yebo, mnumzane. Si—si—sibuka kulomunye nalomunye, kodvwa siyalwa kutsi sibuke kuYe. Sibuka kutsi, manje uma *kukhona lokunye* lokwentekako, “*Yebo-ke, iNkhosi yente intfo letsite, Yaphilisa umuntfu lotsite, Yente lenye intfo lenjengaley.*”

⁶⁸ Kodvwa, “*Yebo-ke, manje,*” besingatsi, “*ake sibone kutsi Dkt. Jones utsini ngako. Uma libandla letfu lingakukholwa loko, si—singeke silemukele.*” Niyabona na? Ubuka kuloko lokushiwo ligonsa, ubuke kuloko lokushiwo ngumbhishobhi, khona-ke ungeke uze umbone Khristu.

⁶⁹ Ngesikhatsi beva kutsi Jesu bekavukile kulabofile, futsi wabonakala emkhatsini wabo kanjalo, abazange beme futsi babukane, babuka kuYe. Batibonile tibati taKhe, bawabonile emandla aKhe, baMbona enta imimangaliso Layenta ngaphambi kwekutsi Afe, futsi bebatu kutsi kwaku nguNkulunkulu wabo lophilako, futsi ababukanga lomunye nalomunye, kanjalo futsi abazange bacele noma ngubani kutsi ababuke.

⁷⁰ Kodvwa namuhla, tiketi letifakwe tintfo tiyaphuma, “*NginguDkt. S'bani-bani nemfundvo letsite-tsitsite.*” Ngingu Ph.D., LL.D., Q.S.T.,” nalolonkhe lolu lolunye luhlobo lwe—lwetintfo, futsi uphi Khristu kuko konkhe? Sinani na? Imoshali, futsi sikhonta Khristu lofile ethuneni. Asikhonti Khristu lofile ethuneni, liBandla leliphilako, liBandla laNkulunkulu lophilako, sikhonta uMncobi lovukile, Loncobe kungakholwa kwefu, nato tonkhe letotivumokholo, futsi waticwilisa ngaphansi kwtetinyawo taKhe, futsi watsi, “*Ngiwakho, nawe uwaMi.*” Amen. “*Ngiyaphila kute kube phakadze.*” Loyo nguMncobi loMkhulu, NguLoyo, NguLoyo lukholo lwami lolumbukako.

⁷¹ Lesifuna kukwenta namuhla kungabuki ngakulabo labamphofu, labadla galikhi labalilako emuva lapho, emuva

ehlane, bafuna emabhodo enyama aseGibhithe, bebagcoke tikhindi netingubo netindzebe letipendiwe, futsi bahhula tinwele tabo, futsi baphika emandla aNkulunkulu, bayekele, batobhubha lapho ehlane, asilandzele Joshuwa wetfu lomkhulu, haleluya, uMholi wetfu. Ningabuti mibuto, bambani nje sitebhu, nguloko kuphela. Chubekelani embili nje. Ningabuki emuva kubo, ningabanaki. Bafuna kuhlala eGibhithe, futsi bomele tintfo telive nato tonkhe tihlabani tabo tabhayisikobho letindzala nebalingisi nayo yonkhe intfo, abachubeke. Sibuka kuJesu, sibuka kuJoshuwa wetfu.

⁷² Asikabuki koma. Inkhatsato yako kutsi namuhla, wena utsi, “Manje, awume, awukafaneli unatse, awukafaneli uye emibukisweni yetifombe, awukafaneli wente *luku*, awukafaneli... besifazane bebangakafaneli bahhule tinwele tabo, bebangakafaneli bagcoke tikhindi.” O, kwangatsi ngyiyabona uma umuntfu ake wawelela kulelinye Live, futsi ake adle lamanye emagelebisi lavela eKhenani, badla lamanye emaphomegranathi, nalolunye lweluju loluhle laphaya, abasamfumi lomunye galikhi wemhlabba.

⁷³ Intfo yako ikutsi, sivele sibondle ngagalikhi lomdzala netintfo, futsi sibente bome futsi babulawe tisu, ngyiacolisa ngalesosisho, loko akukalungi e—epulpiti. Kodvwa chubeka ubuyele emuva, uma bafuna kuyela live, bayekele bachubeke babuyele emuva, siya embili. Sise... sitolandzela kwetfu... Hhayi nje emuva eTentweni 2:4, sizulazule emuva lapho emhlabatsini lofanako. Bentani? Bahlala lapho iminyaka lengemashumi lamane, futsi bafela lapho. Babuyela ngco etikwento lendzala lefanako, ngaso sonkhe sikhatsi. Loko kulungile, Tento 2:4 yincenyne yalo, kodywa intfo yako ikutsi, Watsi, ngalelinye lilanga, kubaKhe... “Sukuma, bewukulentsaba iminyaka lengemashumi lamane, gucukela enyakatfo, wewele iJordani ngaleyaa, kwehlukana, ngoba kunalokungetulu kwalentsaba kwakho.” Kunalokungetulu kweTento 2:4 kwakho, sonkhe setsembiso eNcwadzini seliBandla, naNkulunkulu ulindzele liBandla laKhe kutsi livuke futsi lilemukele.

⁷⁴ Ungakwenta kanjani uma solo womile futsi ufunu kufana nelive? Bangakwenta kanjani uma basadla, balangatelele galikhi, emabhodo enyama aseGibhithe? Cha. Chubeka ungene naJoshuwa. Kunjalo. Tfola emagilebisi lamasha neliWayini lelisha lePhentekhostali, udzakwe ngiLo, Mnaketfu, ungeke—ungeke—u—ungeke usaphindze ubuke ngisho eveni, *kukhona* lokutkwenteka kuwe.

⁷⁵ O! Asichubekele embili nje, silandzela titebhisi teMholi wetfu lomkhulu, futsi silincobe. Khumbulani, Nkulunkulu watjela Joshuwa, “Yonkhe indzawo lapho ematse etinyawo tenu, loko kuncoba.” Mnaketfu, khona-ke tinyatselo tichaza kuncoba. Asichubekelani nje nekuhamba siyongena eVeni leseTsembiso,

ngingabuki emuva kubona kutsi kwakwenteke ni emuva lapho, nekutsi lomunye umuntfu wentani, gcina emehlo akho ku Jesu, Joshuwa, uMholi. Chubeka nje uchubeke, nekujula lokujulile nekuphakama lokuphakeme, uze ube nayo yonkhe intfo Nkulunkulu layetsembisa eVini laKhe.

⁷⁶ Bonkhe bantfu bangeke bakwemukele loku. Loku kufihli we emehlweni elive, nebuwula kubo, kodvwa labo labatelwe futsi bakhetfwe ekuPhileni lokuPhakadze, bayakukholwa. Siyalibona leli-awa lesiphila kulo. Asichubekele embili, sikhumbula loku, kutsi sineNtfo letsite emvakwetfu, Jesu watsi, ngesikhatsi Atfumela bafundzi baKhe, “Onkhe emandla emazulwini nasemhlabeni anikwe Mine.” Impela. Loko kusemvakwetfu. Ini? Kuto tonkhe tetsembiso Latenta, ngoba onkhe emandla anikwe Yena, uYise unikete onkhe emandla eNdvodzaneni. “Futsi yonkhe intfo leseZulwini, onkhe emandla eZulwini, aMi,” kwasho Jesu, “futsi Nginawe.” Intfo letsite kusesekela.

⁷⁷ Sikhumbula loku uma sihamba, kukhona Intfo letsite—kukhona Intfo letsite emvakwetfu, Intfo letsite ngekhatsi kitsi, neNtfo letsite embikwetfu. Amen. Loko kutsi, “Wota, ukholwe, futsi uhambe.” Intfo letsite emvakwetfu, Intfo letsite lekitsi, neNtfo letsite ihamba embikwetfu. Bekanguye, Unguye, futsi uyofika. LoJesu lofanako lobekakhona, nguJesu lofanako kusihlwa, naJesu lofanako lotokuta; longuye itolo, namuhla, naphakadze. “Wotani, nikholwe, futsi nihambe, futsi nitjеле lomunye umuntfu ngako.” Amen. O, ngiyakutsanza loko. Ludvumo kuNkulunkulu!

⁷⁸ Imphilo yaKhe, loko Lebekangiko kitsi, yimphilo yaKhe yasemuva, Wasinika loko Lebekangiko kuze singadukiswa kuloko Langiko namuhla. O, ngiyakutsanza loko. Amen. Ungatsatsi livi lanoma ngubani ngako, tsatsa Livi laNkulunkulu ngako. LiBhayibheli latsi, Jesu watsi, “Uma nihlala kiMi, neLivi laMi lihlala kini, ningacela lenikutsandzako, futsi nitophiwa.” Jesu watsi, “I... Loyo lokholwa ngiMi, lemisebenti leNgiyentako mine, naye utoyenta.” Jesu watsi, “Kusesikhashana nje live lingake lisaNgibona, noko nine nitawuNgibona, ngoba Ngitawuba nani, ngibe ngisho nakini, kute kube sekupheleni kwemhlaba. Jesu Khristu longuye itolo, namuhla, naphakadze.”

Sati kanjani? Bantfu batsi, “Ngani impela, ngiyakukholwa loko.”

⁷⁹ Jesu watsi, “Letibonakaliso leti tiyobalandzela labakholwako.” Letotibonakaliso atikho etikwakho, tatsi, “Tingahle tibekhona, mhlawumbe titobakhona, tifanele,” Watsi, “Tiyoba khona.” Kulungile. “Tiyoba landzela labakholwako.” Yebo, mnumzane.

⁸⁰ Futsi Ushiyeni? Washiya imphilo yaKhe yasemuva kutsi asikhombise kutsi Bekayini. Nguloko loku semvakwetfu, kute

sisho kutsi kutoba yini kitsi. O, angi... Whuu! Sibuka emuva kubona kutsi Bekayini, khona-ke sesiyabona manje, kutsi Uyini. Jesu akazange abe ngusiyazi wetenkholo longuntsamotilukhuni, Wababita ngesicuku sebazenzisi, netinyoka etjanini, nako konkhe lokunye, emabondza lapendwe abamhlophe, emathuna agcwele ematsambo ebantfu labafile; Wabatsetsisa. Akazange ajoyine noma nguliphi lemacembu abo, kodvwa Wahlala neMlayeto lovela kuBabe. Wahlala nemiBhalo, "Akukabhalwa yini emiBhalweni yenu?" Akunandzaba kutsi bebafuna kubona ini, nekutsi yini lebebefuna kuyenta, bebaMfuna avuse *lona* futsi ente *loya*, Watsi, "Ngenta loko Babe laNgikhombisa kutsi ngikwente. Angenti lutfo ngekwaMi lucobo, kodvwa loko lengibona Babe akwenta kucala."

⁸¹ Mosi watsi Uyoba ngumProfethi, Mesiya bekanguye, futsi Uyohlola imicabango yenhlitiyo yabo. Futsi Jesu bekaLivi laNkulunkulu libonakaliswa, "Ekucaleni bekakhona Livi, naLivi beka kuNkulunkulu, naLivi beka nguNkulunkulu. NaLivi wentiwa inyama, futsi wakha emkhatsini wetfu." Beka nguNkulunkulu enyameni, futsi kungako Livi laNkulunkulu lalikuKhristu, futsi BekaLivi laNkulunkulu, neliBhayibhel lasho, kutsi Livi laNkulunkulu, kumaHebheru sahluko 4, likhalipha kunenkemba lesika ngetinhlangotsi totimbili. Utokwenta kanjani loko futsi ube wenhlangano letsite, utsi, "Usho loko futsi sitokukhahlela sikukhiphe"? Utokwenta kanjani loko? Lusizi. O, hhe!

⁸² Ngi-ngiyati ngakha titsa, kodvwa ngakha bangani Lapho, ngako nguleyo intfo lemcoka. Niyabona, angikhatsali kutsi umuntfu utsini, kunguloko lokushiwo nguNkulunkulu. Ngitjеле akusilo Livi. Buka kutsi sifike kuphi, ticalate wena lucobo bese uyabona kutsi sifa kanjani. Vuka utitsintsitse, ubuyele elwatini lweliPhasika lwekuvuka kutsi Jesu Khristu uyaphila namuhla. Uyaphila manje kute kuge phakadze. Yebo. Hhayi...

⁸³ Uyafana namuhla. Ubonakele kitsi itolo futsi wafakaza kutsi Bekasemvakwetfu, kutsi Angahle abe nguLoko lokukitsi. Futsi u-umcabango wekubambela engcondvwemi yetfu ngaloko Layoba ngiko: Uma loku kuyinkhatimulo uma Ehlela emkhatsini wenu manje, kuyoba njani lapho sesinemtimba lofana newaKhe? Khona-ke siyabona kutsi sineNtfo letsite ngemuva, lehamba embikwetfu, ihambe embikwetfu lusilungiselela indzawo. Akabongwe Nkulunkulu asinawuhlala njalo sitidalwa letiboshelwe emhlabeni!

⁸⁴ Sewuhamble, U... Bekanguye, siyabona kutsi Bekayini, sibuka emuva futsi sibone kutsi Bekayini, ngako siyabona kutsi Uyini namuhla. Uma BekanguMhloli wemicabango yetinhltiyo ngalolosuku, ngesikhatsi ALivi, uma Alapha namuhla, UnguMhloli lofanako wemicabango yenhlitiyo. Loko Lebekangiko, Ungiko namuhla, futsi uyoba ngiko ingunaphakadze. Uma BekanguMsindzisi lotsandzako

emuva lapho, uMdali, UnguMsindzisi lofanako lotsandzako, uMdali namuhla, futsi Usemvakwetfu, ngekhatsi kwetfu, nasembikwetfu. “Wota, futsi ukholwe, futsi uhambe, futsi utjele lomunye umuntfu.”

⁸⁵ Asikukholwa, noma nakungenjalo besingeke sihlale sife kakhulu nato tonkhe tibalo tetfu *temsimeto*, ngibavuse futsi ngibahhalise phansi, nako konkhe kwetfu... ngeliSontfo ekuseni, tinhlitiyo tetfu tiyobe tivutsa ngeMlilo wePhentekhostali, besingeke sikhone kukumela. Bekungaleyondlela eminyakeni lengemashumi lamane leyendlula ebandleni lePhentekhostali, kodvwa walihlela, walibulala. Wabulala—wabulala le—le—wabulala labo lofuna kukukholwa loko, kodvwa bakhona labanye labangakukholwa loko, labaphila kuko.

⁸⁶ Ngesikhatsi iNsika yeMlilo, lapho Yema khona, bantfwana benta ikhempu lencane, abazange bamise emathende abo siphelane, ngoba noma nini lapho leyoNsika yeMlilo inyakata, bebahamba naYo. Luther waKubona futsi waphuma ebandleni laseKhatolika. Kodvwa ngesikhatsi Luther afa, bentani? Balihlela, iNsika yeMlilo yaphuma, naWesley waYilandzela. Ngesikhatsi Wesley afa, bakuhlela, kwase kwentekani ke? iNsika yeMlilo yachubeka, nemaPhentekhostali aKulandzela. Impela, umbhabhatiso waMoya loNgewe. Manje, emaPhentekhostali ahlelile, futsi yentani iNsika yeMlilo? Bachubeka, nemaPhentekhostali ayafa. Ngani, kunjalo impela nje—nje. Hhayi, sentakalo sePhentekhostali asifi, kodvwa inhlango yePhentekhostali ayifi, ifile. Kwenta loku ngesikhatsi kuhlela.

⁸⁷ Bafile, bonkhe. Lomunye angeke—lomunye angeke abite... Ligidlela alikwati kubita libhodo ngekutsi linemafutsa, ngoba kuyafana nje. Kunjalo. Bakamunye abakhoni kumpongolotela Bakambil, neBakambil abakhoni kumpongolotela Bakamtsatfu, ne-Assemblies ingeke impongolotele iChurch of God, neChurch of God ingeke impongolotele i-United, onkhe asenyandzeni yinye lenkhulu. Ngesikhatsi bahlela, baLibulala, abazange baLibulale, baLicosha emkhatsini wabo, ngoba badvonsa indingilizi futsi, “*Sangena lapha.*” Nkulunkulu usemhlabeni wonkhe, lonemandla onkhe, Nkulunkulu losetindzaweni tonkhe, Akabopheleki kunoma ngusiphi sivumokholo semuntfu. Amen. Uma Aphila, Uyakufakazela, uma Angakufakazeli, khona-ke Akasuye.

⁸⁸ “Wota, ukholwe, futsi uhambe, uyabona.” Yebo, mnumzane. Inkhatsato yako kutsi, eveni, bayatama, libandla litama kuniketa umhlaba sicuku lesikhulu se—sekutijabulisa. [Akucoshwanga etheyiphini—Umhl.] ...?... etinkhundleni tabo, asikafaneli. Sentani? Sibanika nje libhodo lelikhulukati leliphekiwe, sitjulo se-mulligan setenkholo. Nguloko kuphela. Bakubite ngemaphathi enhaliswano, nemidlalo lemincane

yebhankho, nemasuphu akusihlwa kuholela umshumayeli. Umbhedvo! Leyo akusyo indlela yekuchuba libandla. Nkulunkulu watfumela Moya loNgcwele kuchuba liBandla. Kunjalo. Kodvwa sitama kuniketa umhlaba... Ngani, ungeke uhlangane nalabobantfu kuloko, sebavele banako loko. Batihlakaniphi ngekutijabulisa. Batihlakaniphi, ngako singeke sibentele lutfo.

⁸⁹ Ake sibanike Intfo letsite labangenayo. Haleluya! Intfo yinye labangenayo nguJesu. Amen. Ungetami kutijabulisa nabo, uhlangana nabo emhlabatsini wabo. Nishumayele Khristu, futsi abete kulomhlaba *lona*, futsi nitfole kutsi banani. Uma bafuna kuhlala eveni lagalikhi, abahlale. Asikafaneli sihlangane nabo lapho, asisibo labalingisako, sibaphostoli. Haleluya! Asi... Asiphingi, njengoba batsi sinjalo, singemadvodzana aNkulunkulu, ladalwe ngemfanekiso waKhe. Umbhedvo kulesosicuku! Suka kuko, kukhona Khristu lophilako. Amen.

⁹⁰ O, Intfo yinye labangenayo nguJesu. O, si—singabanika bonkhe... O, banencumbi yesayensi yengcondvo, tinkholo tekudzabuka kwetintfo, nayo yonkhe intfo. O, o, hhe, ba—ba—balayishwe ngaloko, kodvwa yinye Intfo labangenayo nguJesu. Kunjalo. O, banekutijabulisa, bangenta kuphikisana kwebhaskethibholi lokukhulu kunaleningakwenta, impela bangakwenta, bangabeka emadvodza etikwaleto tikrimi tabhayisikobho, ngephandle lapho, lebetingakhipha noma yini lobwungayenta. Kunjalo. Batihlakaniphi kuko, ungetami kuticatsanisa nabo. Akashongo yini Jesu kutsi bantfwana belive, kutsi bayini? Kunjalo.

⁹¹ Kodvwa yinye iNtfo labangenayo, nguJesu. Futsi nguloko lesifanele sikumelele, kubatjela. Akusiko kutsi sinendlu lenkhulu yekutivocavoca, futsi sineliklasi lelikhulu laSontfo sikolwa, futsi—futsi sikhipha *loku*, futsi sinekudla kwakusihlwa, futsi *sinaloku* kwelibandla letfu, nemidanso, “Uma ungeta ujoyine libandla letfu, sinemdanso njalo ngaLesitsatfu ebusuku. Njalo ngaLesine ebusuku, emvakwekuba umhlangano wemkhuleko sewuphelile, sinemdanso lomncane ekamelweni lelingaphansi.”

⁹² Lapha ngalelelinye lilanga ngesikhatsi loku, nisibonile lesitfombe lesi lesivela eLondon, lesingena esikrinini, lapho lesosilima lesisesincane lapha, sicuku se, libandla lePresbyterian, lesifikwe e—emdlalweni we-bhitniki weluvuko, noma, kubetselwa? Nginako khona lapha ephephandzabeni, futsi nje kwayijabulisa iNgilandi yonkhe indzawo. Bekusemaphephandzabeni etfu lapha. Bebanemfana logcoke lihembe lakhe lelinemishi yemaswidi, nagawini advonseleke phansi etingculwini takhe, futsi bekanguJesu. Bebanalomunye, Judasi, futsi bekadlala lugitali loluncane *kanjena*, ahamba ehla enyuka, luhlelo lwamabonakudze, “Ngitomtfola kusihlwa, s'thandwa, ngitomtsengisa.” Nako

konkhe kanjalo. Nentfombatane igicika futsi igicika, itsi, ngaJesu, itsi, "Ngiyamtsandza make wami, chomi lomdzala, akukaneli kangako loko, mhlonishwa?" Kanjalo. Ahambahamba kanjalo, uma libandla letenkholo leelitehlisele phansi kangako, selihambile! Bentani bantfu? Bebacabanga kutsi kwakumangalisa.

⁹³ Yebo-ke, ucabanga kutsi leyo yintfo letsite? Khona phansi eveni lakitsi lucobo, njalo ngaLesine ebusuku kulelitsite lelikhulu, libandla lenhlangano, umelusi, nabobonkhe, bafaka emdlalweni welicembu lebhithniki. Sitfombe ekhasini lelingembili nesilevu lesidze, licembu lebhithniki.

⁹⁴ Libandla lelitsite lelihlelo, umngani wami wangibita ngalolobunye busuku kutsi ngehle, senhlangano yebungcwele lenkhulu, futsi beba faka ibhitniki, noma, cha, iphathe yemculo wekutinyukunya. Futsi ngisho lendvodza beyenta mabonakudze yatsi, "Awesabi yini kutsi utotfolia kugcekwa?"

Utsi, "Sesidze sikhatsi *lelenye*, inhlangano yelibandla, yakohlwa buciko lobuhle bemculo wekutinyukunya."

⁹⁵ Uma sekufika endzaweni lapho libandla litobeka khona kutijabulisa, lingulelilusizi, lelihlu bokile, licembu lelicondze esihogweni lebantfu! Uma sekufika endzaweni lapho singeke simelele Jesu Khristu emandleni ekuvuka kwaKhe, goca iminyango yakho bese ubuyela eveni, ngoba ufile noma kanjani. Amen. Ya, kodvwa nguloko-ke. Um-hum. O, yebo.

⁹⁶ Singeke sikhone kumanyatela kunabo. UkuKhanya, UyaKhatimula, hhayi kumanyatela. Jesu akakwenti, akusiko kumanyatela njengelgilive liyamanyatela, kodvwa Ukukhatimula lokutsambile kwekuKhanya. Amen. Futsi ungeke *uLikhanyise*, ufanele *uLivumele likhanye*. Ungatami kuLisebentisa, ngoba lingke lisebente. Nguleyo indzaba. Uma bangeke babatfole ngendlela yinye, babatfolele lenye. Uma bangeke bakusebente, kutama kwenta kukhanya kwabo kukhanye, bentani? Yebo-ke, batama... Loko kwentiwa ngumuntfu. Ungeke waLenta likhanye, Alikhanyise nje. O, haleluya!

⁹⁷ Sikhatsi sini? Ngeva liwashi lami likhala, futsi sengendlulile esikhatsini. Uvukile kulabafile, Uyaphila. Uyini umlayeto namuhla? "Wota, ukholwe, hamba utjele labanye kutsi Uvukile kulabafile." Uyaphila, futsi Ubonakala eBandleni lelikhetsiwe kusihlwa. Njengoba Abonakala ngalesosikhatsi, loko Lakwentako ngalesosikhatsi, bengahlala nginitjela njalo kutsi Nkulunkulu ungu longenasipheto futsi angeke agucuke, futsi uma loko bekungumcondvo waKhe eveni ngalesosikhatsi emvakwekuvuka kwaKhe, kuyintfo lefanako namuhla. NaJesu wafakaza intfo lefanako ngekutsi, "Njengoba kwakunjalo etinsukwini taseSodoma, kuyoba njalo ekubuyenki kweNdvodzana yemuntfu."

Asikhotsamise tinhloko tetfu.

⁹⁸ Nkhosi Jesu, ngaletinye tikhatsi a—angati noma angikasangani, uma ngicabanga ngekubona sicalekiso lesesabekako lesitako kulomhlabo, uma ngicabanga ngemabandla latama kuba bajabulisi, latama kukopa live. Nkhosi Nkulunkulu, o, Wena—Wena watsi, “Babe, ngikhulekela kutsi ubakhiphe eveni. Khipha live kubo, ubavimbele eveni.” Wakhulekela kutsi basuse, bafundzi baKho, eveni, futsi naba babuyela ngco eveni, batama kuticatsanisa neline.

⁹⁹ Nkulunkulu, siphe, sita Nkhosi, umuntfu lotsite utobamba loMlayeto, impela, batokwati. Unguye itolo, namuhla, naphakadze. Awukafi, kodvwa uphila kute kube phakadze. SiyaKukholwa, Nkhosi. Futsi umuntfu angakholwa kanjani ngaphandle uma Umbitile? Jesu watsi, “Akekho longeta kiMi, uma Babe waMi angambiti kucala. Futsi konkhe Babe waMi lakubitile, kutawuta.” Futsi siyati kutsi loko kunjalo. Batawuta. Futsi kungumsebenti wetfu nje kukushumayela, futsi siyekele emazubela awele noma ngukuphi lapho bafisa khona, netimvu tiyaliva leliPhimbo.

¹⁰⁰ Nkulunkulu, impela, emva kwekuKhuluma ngaWe, ngekuvuka kwaKho, tindzaba letishisako letinkhulu kunato tonkhe letake tashisa umhlabo kutsi “Khristu wasifela, futsi uvukile futsi, uphila kitsi, ahamba natsi, aphila natsi, kutifikazela Yena lucobo kitsi, longuye itolo, namuhla, naphakadze.” Nkhosi, angati lutfo lolukhulu.

¹⁰¹ Ngiyakhuleka manje, kutsi emakholwa lamanengi atokholwa kusihlwa, ajule, kutsi labangakholwa labanengi bayokholwa kwekuKala, kutsi labanengi laba ngakagcwaliswa ngaMoya loyiNgewe batogcwaliswa futsi babe ngumphostoli waKho kusihlwa, umfundzi lomkhulu kutsi aKulandzele, futsi ahambé atjele labanye. Kwangatsi bangabuka ekhatsi etikweliBhayibheli futsi babone kutsi Wafa, kute sibe nalenhlanhla. Kwangatsi bangakholwa uma baMbona abonakala, futsi kwangatsi ke bangasuka ebandleni, futsi bahambe batjele labanye kutsi Jesu uyaphila. Kwangatsi bangahamba netinhltiyo, netinyawo letilula nenhlitiyo yekukhanya kutjela labanye, njengoba kwenta Theophilus nemngani wakhe, bavela e-Emawuse.

¹⁰² O Nkhosi, Utobonakala embikwetfu kusihlwa, lapha? Wota emkhatsini wetfu futsi wente lokutsite e...ngalabantfu laba, njengoba nje Wenta ngaphambi kwekutsi Ubetselwe, kute bati kutsi uMlayeto weli-awa ucinisile, Uvukile kulabafile. Ngiyakucela, eGameni laJesu. Amen.

¹⁰³ Sikhatsi sekuvala impela, kodvwa ngiyakhulewa, indvodzana yami yahlangana nami lapho emnyango, futsi yatsi ikiphe emakhadi ekukhulekelwa, nemgcini wangitjela, noma, umfana lonakekela tibane, kutsi banikete emakhadi ekukhulekelwa

kutsi bakhulekelwe. Bangakhi, ngabe ukhona ekhatsi lapha longakaze abekhona kunoma nguyiphi yetinkonzo tami ngaphambilini lengike ngatibambela iNkhosi? Phakamisani tandla tenu, ningakaze nibe kulomunye wabo. O, yebo-ke, singahle sibe nekuhlola lokufihlakele ke.

¹⁰⁴ Uma une... Ngabe ukhona lapha lobekase... lobekane... kutsi nonkhe beniyoba njalo, njengoba ngetsemba kutsi kwaku seChicago lapha, imihlangano leminengi njengoba ngibe nayo...? Bengitocela nje kutsi uMnaketfu Tommy utota ngalapha futsi eme, futsi asibakhulekele, kundlulisa emakhadi, kodvwa uma kungekho muntfu lapha loke... Ngibona lokubili kulokutsatfu kwelibandla akukaze kube kulenyen inkonzo.

¹⁰⁵ Ngako manje, ngifuna kusho loku: Angitisho kutsi ngingumphilisi. Noma ngumuphi umuntfu lotisho kutsi *ungusopolitiki*, ungumlandzeli. Kunjalo. Hhayi ku p-h-i-l-i-s-a, noko. Niyabona na? Kodvwa si—si... NguKhristu longuMphilisi. Jesu sewuvele, eKhalvari, watsenga insindziso yakho futsi watsenga kuhlengwa kwakho, Watsenga kophiliswa kwakho. Bangakhi labatiko kutsi loko kuliciniso? Intfo kuphela Langayenta kukhombisa Livi laKhe, futsi agcine setsembiso saKhe. Ngabe kunjalo?

¹⁰⁶ Ngesikhatsi Alapha emhabeni, ngabe Bekatisho kutsi unguMphilisi? Cha, mnumzane. Watsi, “Ngingeke ngente lutfo ngekwaMi, kodvwa loko lengibona Babe waMi akwenta, loko iNdvodzana iyakwenta kanjalo,” Johane loNgewe 5:19. Bangakhi lowatiko kutsi loko kuliciniso? Ya. Khona-ke Jesu akazange ente lutfo, waze Wabona umbono.

¹⁰⁷ Niyakhumbula kutsi UKANJANI...? Kanjani...? Sasiyini sibonakaliso saMesiya? Ngubani lowatiko kutsi sibonakaliso saMesiya sasitoba yini? Umprofethi. Ngabe kunjalo? Umhloli wemicabango futsi usho ngaphambil. Onkhe emaJuda akholwa kutsi Bekayi... Mesiya ufanele abe ngu—ngumtjeli-Phambili, Bekato—Bekatokwati kutsi bekuyini, nekutsi bekutobanjani, nekutsi bekujani, leso bekusibonakaliso. Konkhe... Nkulunkulu watsi, “Uma akhona emkhatsini wenu longuwakamoya, noma umprofethi, Mine iNkhosi Ngitawutatisa kuye, ngikhulume naye ngemaphupho nangemibono. Futsi uma lakushoko kufezeka, khona-ke mesabeni lowomprofethi, ngoba Nginaye. Kodvwa uma kungenteki, khona-ke ningamlaleli, ningamesabi nhlobo, ngoba angikho kanye naye.” Yebo-ke, lowo nje ngumuzwa kuphela.

¹⁰⁸ NemaJuda sonkhe sikhatsi, bantfu labakhetsiwe baNkulunkulu, bahlala njalo bakhumbula Nkulunkulu akhulumu nabo ngebaprofethi. EmaHebheru 1 atsi, “Nkulunkulu, etikhatsini tasendvulo wakhulumu kubobabe ngebaprofethi, kulolusu kuwekugcina ngeNdvodzana yaKhe, Jesu Khristu,” manje, kuletikhatsi leti takamuva, bonkhe

bafundzi bemBhalo bayakwati loko, kumaHebheru 1, emaHebheru 1:1. Manje, asicale ekucaleni, “Nkulunkulu etikhatsini tasendvulo ngetindlela letehlukene wakhulumka kubobabe ngebaprofethi, kulolu tinsuku tekugcina ngeNdvodzana yaKhe, Khristu Jesu.”

¹⁰⁹ Manje, Bekayini? Beka yiNkhosi yebaprofethi, Beka ngulomkhulu kunabo bonkhe baprofethi, ngoba Beka *ngumProfethi*, “INkhosi Nkulunkulu waKho iyovusa umProfethi lonjengami.” Bangakhi labatiko kutsi Mosi wakusho loko e...? Ya. Yebo-ke ngalesikhatsi, ngesikhatsi Efika futsi watjela Phetro kutsi ligama lakhe lalingubani, Simoni, kwase-ke, watjela ligama lakhe kutsi kwaku nguPhetro, ngesikhatsi Atjela Nathanayeli Wambona ngaphansi kwesihlahla ngaphambi kwekutsi efike, Nathanayeli watsi, “Liciniso, wena uyiNdvodzana yaNkulunkulu; UyiNkhosi ya-Israyeli.”

¹¹⁰ Ngesikhatsi Atjela lowesifazane emtfonjeni, watsi, “Ase uNginatsise.”

Wase utsi, “Ngani, Wena liJuda ucela mine umSamariya? Sinekubandlululana lapha, asitihlanganisi ndzawonye.”

¹¹¹ Yebo-ke, Watsi, “Kodvwa uma wati kutsi Ngubani lobekakhulumka nawe, bewutocela kiMi emanti. Ngikunika emanti longeke uphindze ute kutokukha, lapha kulomtfombo.” Futsi Bekachuba ingcogco. Bekentani na? Achumana nemoya wakhe. Khona-ke ngesikhatsi Atfola kutsi yayiyini inkhatsato yakhe...Bangakhi lowatikko kutsi yayiyini inkhatsato yakhe? Bekenemadvodza lamanengi kakhu. Ngako Watsi kuye, “Hamba, ulandze indvodza yakho, bese nita lapha.”

“O,” watsi, “A—anginadvodza.”

Watsi, “Ukhulume liciniso, ngoba bewunemadvodza lasihlanu, nalena lohlala nayo manje ayisiyo indvodza yakho, ngako ushito liciniso.”

Manje, bukisisani lowo wesifazane, bekati kakhulu ngaNkulunkulu kunehhafu yebashumayeli baseChicago. Kunjalo, kunjalo. Watsi, “Mnumzane...”

Manje, bukisisani kutsi labobashumayeli batsini ngesikhatsi baMbona akwenta, batsi, “Ungumbhuli, Bhelzebule.”

¹¹² Jesu watsi, “Ngianitsetselela ngaloko, kodvwa ngalelinye lilanga Moya loNgcwele uyeta kutokwenta intfo lefanako, futsi ukhuluma livi lelimelene naye, lingeke litsetselelwe kulelive, kanjalo nelive lelitako.” Ngabe kunjalo?

¹¹³ Lona wesifazane watsi, “Mnumzane, ngiyabona kutsi ungumprofethi Wena.” Watsi, “Siyati, tsine maSamariya, siyati kutsi uma Mesija efika, Utositjela letintfo leti.” Yebo-ke, leso bekungaba sibonakaliso saMesija.

¹¹⁴ Uma Anguye itolo, namuhla, naphakadze, loko kuyosolo kusibonakaliso saMesija. Ngabe kunjalo? “Lemisebenti

lengiyentako Mine, nani nitoyenta. Nginani, ngisho nakini, kute kube sekupheleni kwemhlaba.” Ngabe kunjalo, Mnaketfu Hicks? Niyabona na?

“Siyati kutsi Mesiya uyeta, futsi Utositjela letintfo leti, kepha Ungubani Wena?” Niyabona na? “Wena ufanele kuba ngumprofethi.”

Watsi, “NginguYe lolokhuluma nawe.”

¹¹⁵ Futsi kuloko wagijimela edolobheni futsi watjela lamadvodza, watsi, “Wotani, nibone uMuntfu Longitjele lengikwentile. Ngabe Lona akusuye yini Mesiya?” NeliBhayibheli latsi bantfu baseSamariya, lapho, bamkholwa Jesu ngenga yebufakazi balowesifazane. Ngabe kunjalo?

¹¹⁶ Manje, Wenta lesosibonakaliso embikwelijuda nasembikwe Msamariya, ngoba ngani na? Bebabheke Mesiya. Ngabe kunjalo? Awutfoli nalolulodvwa ludzaba ngaphambi kwebeTive. Cha. Loko... Niyabona, bebafundziswe tinkhulungwane teminyaka kutsi bekuta Mesiya, ngako Wakwenta...

¹¹⁷ Kunetive letintsatfu kuphela tebantfu, lowo nguHamu, Shemu, nebantfu bakaJafethe. Phetro, netikhiya, ngeluSuku lwePhentekhosti wawuvula kumaJuda. Filiphu wehla wase ushumayela kumaSamariya, wawahhabhatisa eGameni laJesu Khristu, wabeka tandla etikwabo, Moya loNgeweletekana, Phetro bekanetikhiya, wehla wase ubeka tandla etikwabo, bemukela Moya loNgewelete. Etulu, indlu yaKhoneliyusi, Phetro wenyukela lapho netikhiya, wawuvula kukuphi na? EmaJuda, emaSamariya, nebeTive. Futsi kusukela ngalesosikhatsi kuchubeke, liVangeli lachubeka, khona-ke lavulelwala bonkhe bantfu: Hamu, Shemu, nebantfu bakaJafethe, manje, kwemadvodzana lamatsatfu aNowa, lachumisa sonkhe sive lesibantfu, uma sikholwa liBhayibheli letfu, konkhe kwalo kwabhujiswa.

¹¹⁸ Asikho emuva lapho kulelolive letimfene, tsine, noma, labobantfu labatimfene, sikholwa kutsi sitidalwa letibantfu, sivela kuNkulunkulu, sentiwe ngemfanekiso waNkulunkulu. Abakholwe loko labakufunako, nguloku lesikukholwako: Siyamkholwa Jesu Khristu, iNdvodzana yaNkulunkulu, yentiwe ngemfanekiso waNkulunkulu, hhayi kugebenga kuNkulunkulu, kwakukulingana naNkulunkulu, futsi, “Nkulunkulu bekakuKhristu, enta kutsi live libuyisane naYe.” Beka nguNkulunkulu, Bekabukeka njengaNkulunkulu, Wenta njengaNkulunkulu, Washumayela njengaNkulunkulu, Wavuka kulabafile njengaNkulunkulu, UnguNkulunkulu. Impela.

¹¹⁹ Khona-ke siyaMcaphela, ngesikhatsi Efika futsi watsi, “Ngitawuba nani, ngibe ngisho nakini. Lemisebenti lengiyentako Mine, nani nitoyenta.” Manje, Wetsembisa ekupheleni kwemnyaka webeTive kutsi lesibonakaliso lesi siyobonakala. Manje, ngabe sifuna Mesiya? Kunjalo, sibuke

iNkhosi Jesu letako, loMesiya. Yebo-ke, ke, Wetsembisa kutsi Bekatobonakala.

¹²⁰ Manje, uma Abonakala kubo *ngaleyondlela*, letotitukulwane letimbili tebantfu, futsi asihambe nje ngesayensi yetenkholo, khona-ke Yena, leyo akusiyi o iNkhosi yetfu Jesu. O, cha, huh-uh, cha. Niyabona, Ufanele akwente kitsi njengoba Enta kubo. Wentani na? Njengoba Etsembisa, etinsukwini taNowa na...?..., ngicondze kutsi, etinsukwini taLoti, Uyoba njalo namanje. Ngako Ute kubantfu baKhe labakhetsiwe labatokukholwa, futsi atikhombisa Yena lucobo kutsi Usenguye Mesiya, Lovukile. Amen. Lelo liVangeli, mnaketfu. Akekho longabeka umuno kuloko. Manje, intfo yako ikutsi, Nkulunkulu utoligcina Livi laKhe? Ngiyakukholwa.

¹²¹ Bangakhi kini lonemakhadi ekukhulekelwa? Kubukeka cishe emashumi lamane, noma emashumi lasihlanu. Kulungile, inombolo yekucala, ngubani lonawo? Likhadi lekukhulekelwa lekucala, phakamisa sandla sakho. Yini lencwadzi? Mhlawumbe ngine... Huh? A. A, wekucala, phakamisa sandla sakho, noma ngubani lona A, wekucala. Ufanele kutsi wente liphutsa, ndzawanatsite. Sitocala kulenyenye indzawo ke. O, ngiyacolisa. Kulungile. Inombolo yekucala, yehlelani khona lapha, dzadze.

¹²² Wesibili, phakamisa sandla sakho. Kulungile, dzadze, wota lapha. Inombolo yesitsatfu, phakamisa sandla sakho, inombolo yesitsatfu. Khona lapha, dzadze. Inombolo yesine, inombolo yesihlanu. Khona lapha, dzadze, wota lapha. Inombolo yesitfupha, inombolo yesikhombisa, inombolo yesiphohlongo, yesiphohlongo, yesiphohlongo. Kulungile, yemfica. Angikabomi yemfica. Yemfica, yelishumi. Ngubani loneylelishumi? Lishumi nakunye, lishumi nakubili. Ngako bangeke baphutfume bonkhe ngasikhatsi sinye. Lishumi nakubili, lishumi nakutsatfu, lishumi nakutsatfu. Likhadi lekukhulekelwa lishumi nakutsatfu. Ungasiphakamisa sandla sakho? Lishumi nakune, lishumi nakune. Kuba nekwephuta lokubi kabi. Yebo-ke, kulungile, asi... Abasukume umzuzu.

¹²³ Bangakhi longenalo likhadi lekukhulekelwa, phakamisa sandla sakho, futsi uyagula na? Phakamisa sandla sakho. Manje, awudzingi kutsi ube nelikhadi lekukhulekelwa. Nginicele kutsi niyikholwe lendzaba lengiyishito ngaYe kutsi iliciniso.

¹²⁴ Kwakukhona wesifazane eBhayibhelini, ake sitsi lowesifazane, bekanenkinga yekopha, siyayati lendzaba, bekangenalo likhadi lekukhulekelwa, utsi, naye, kodvwa watsi, "Ngikholwa kutsi leyoNdvodza iliCiniso, ngikholwa kutsi Leyo yiNdvodzana yaNkulunkulu, uma ngingaYitsinta, ngitosindza." Bangakhi loyatiko lendzaba? Futsi ngesikhatsi aMTsintsa, kwentekani? Wesuka wahamba, mhlawumbe, wase uhlala phansi, ngoba weneliseka enhlitiyweni yakhe lucobo kutsi utsintse Mesiya. Niyakukholwa loko?

¹²⁵ Manje, lalelani, ngibukisiseni, futsi ningilalele. Niyabona na? Bekatsintse Mesiya, naJesu wagucuka, watsi, “Ngubani loNgitsintsile?” Manje, basalungiselela labobantfu. “Ngubani loNgitsintsile?”

¹²⁶ NaPhetro waMekhuta, watsi, “Yebo-ke, Nkhosi, wonkhe umuntfu uyaKutsintsia. Usholani kutsi, ‘Ngubani...?’” Ngalamanye emagama, “Yini leyenta Usho intfo lenjengaley?” Ngani, bantfu batocabanga kutsi kukhona lokungalungi ngaWe. Ngani, Usho intfo lenjalo?”

Watsi, “Kodvwa Ngiyabona kutsi emandla aphumile kiMi.” Ngabe kunjalo?

¹²⁷ Yebo-ke, uma loko bekungenta iNdvodzana yaNkulunkulu ive emandla aphuma kuYe, bekungentani kuwe nami, soni lesisindziswe ngemusa? Besingeke sikhente nangasinye sikhatsi, ngaphandle uma Atsi, “Letintfo leNgitentako, nani nitotenta, nalokungetulu kwaloku niyokwenta.” Ngiyati iKing James itsi *lemikhulu*, kodvwa bukani lihumusho sibili, *ngetulu*. Akekho lobekangenta lokukhulu, ngoba Wente yonkhe intfo lebeyingentiwa, niyabona, Wavusa labafile, futsi wamisa imvelo, futsi wenta yonkhe intfo. Niyabona na?

¹²⁸ Kulungile. Manje, nalowo wesifazane lomncane watsintsia sembatfo saKhe, futsi Weva emandla aphuma kuYe. Futsi Wacalata etikwetetsameli, waze Watfola lapho bekakhona, futsi Wamtjela ngenkinga yakhe yekopha, futsi watsi kukholwa kwakhe kwakumsindzisile. Ngabe kunjalo? Ngabe loko...? Ngabe loyo bekunguJesu itolo? Ngabe nguleyondlela Lakwenta ngayo itolo? Yebo-ke, uma Anguye namuhla, Angeke yini akwente ngalokufananako namuhla? Impela, Bekatokwenta.

¹²⁹ Manje, Unguye itolo, namuhla, naphakadze. Ngabe liciniso lelo? Niyakukholwa loko, Uvukile kulabafile? Khona-ke bewungenta kanjani...? “Yebo-ke, Mnaketfu Branham, bengingaMtsintsia kanjani?” Manje, uma nifuna kuMtsintsia kuncono nilalele lelengikushoko. Bukani, “NgitoMtsintsia kanjani?”

¹³⁰ Unguye, khona manje, umPhristi loMkhulu, emaHebheru, sahluko 3, umPhristi loMkhulu lonekuvelana nebutnakatsaka betfu. Ngabe kunjalo? Manje, umtimba waKhe lobonakalako uhleti eBukhoneni baNkulunkulu, esihlalweni seBukhosie baKhe. Ngabe kunjalo? UMoya waKhe ulapha eBandleni, kuPhila kwaKhe, uphila kitsi, futsi UnguMvini, tsine singemagala. Umvini awutseli sitselo, emagala atsela sitselo, umvini unika emagala, Johane 15. Ngabe kunjalo?

¹³¹ Manje, uma AngumPhristi loMkhulu lofanako, futsi ungafinyelela etulu eNkhatimulweni futsi uMtsintse ngekukholwa kwakho, Bekangentani? Uma AngumPhristi loMkhulu lofanako, Bekatokwenta ngendlela lefanako, Bekatokwenta intfo lefanako. Khona-ke utinikela kuYe,

ngitotinikela kuYe, bese-ke uma utsintsa sembatfo saKhe—saKhe ngebutsakatsaka bakho, kutsi Wetsembisa eBhayibhelini laKhe kutsi Uyokwenta, sibone kutsi Utojika yini futsi asebentise liphimbo lami, futsi asebentise umtimba wakho, asisebentise ndzawonye.

¹³² Nine khona lapho etetsamelini, leningeke nibe selayinini lalabakhulekelwako... Sitowatfola onkhe lamakhadi ekukhulekelwa khona masinyane, kodvwa asicale nge—kwekucala manje, kulungile, manje, kucala, nine bantfu kulelolayini lala bakhulekelwako.

¹³³ Bangakhi ngephandle lapho lo—logulako, lengingakwati, phakamisani tandla tenu. Nonkhe khona lapho lenikwatiko kutsi angati lutfo ngani, phakamisani tandla tenu, wonkhe umuntfu etetsamelini lowatiko kutsi ngiyati...

¹³⁴ Bantfu elayinini lalabakhulekelwako, kutsi ngisihambi kini elayinini lalabakhulekelwako, phakamisani tandla tenu, kutsi angikwati, phakamisani tandla tenu. Ngicabanga kutsi likhulu lemaphesenti, sonkhe lesikhatsi.

¹³⁵ Kulungile, manje, nasi sitfombe lesihle... Niyakhumbula ngesikhatsi ngicala kufika eChicago ngaloko, ngi... Ngako manje, nasi si—sitfombe lesihle seliBhayibheli, nasi sitfombe saJohane loNgcwele sahluko 4, nangu wesifazane lengingakaze ngimbone, angati lutfo ngaye, futsi angikaze ngimbone phambilini emphilweni yami. Usihambi kimi. Ngisihambi kuwe, sihlangana kwekucala.

¹³⁶ Manje, uma loku, e... Noma ngubani lowake waba sePhalestine futsi abone lapho Jesu ahlangana khona naloyo wesifazane kuloyomtfombo? Kuyimboniso, intfo lefana naleyo, ngephandle, umtfombo lomncane ngephandle lapho la Bekahleti khona lapho, wambona lowesifazane. Manje, nangu wesilisa newesifazane, beme lapha, longakaze ahlangane phambilini emphilweni, futsi sitihambi. Futsi nginganitjela loku ngaphambipi kwekutsi sicale, akasuye wesive sami, empeleni akakhulumi siNgisi lesihle. Liciiso lelo. Nango umSamariya nelijuda. Um-hum.

¹³⁷ Manje, angisuye Yena, kodvwa NguMoya waKhe lokimi. Bese-ke uma Anguye itolo, naphakadze, futsi angikaze ngikubone, angati lutfo ngawe, unguwesifazane nje lota lapha, uma Nkulunkulu atokwembula kimi intfo letsite lesemphilweni yakho, njengoba Enta kulowo wesifazane lapho, utokwati kutsi ngabe kuliciniso noma cha, be—bewuyokwati, bese-ke, njengentfo letsite loyentile, intfo loyitele lapha, intfo lengakalungi kuwe. Noma, uma ngingakwati, angati lutfo ngawe, ngoba... Wenta i... unesikhatsi lesimatima, luhlobo lwe, ungicondza. Kodywa uma ngingati lutfo ngawe, khona-ke uma Atokwembula, kutofanele kufike ngaMoya ndzawanatsite. Niyakukholwa loko?

¹³⁸ Tetsameli titokukholwa loko? Naku lapho sikhona, sobabili ndzawonye. Manje, ngabe Uyaphila? Khona-ke, uma-ke ngi...? Kube Bekeme lapha, afake lesudu Langipha yona, manje, kube lona wesifazane bekangeta, atsi, “Nkhosi, Ungangiphilisa na?” niyati kutsi Bekatotsini? “Sengivele ngikwentile, uhlengiwe.” Uma indzatjana ihlengiwe esitolo lesibambisa ngemphahla, ingeke ihlengwe kwesibili. Sinesigcebhezane, bangeke basibhadalise kwesibili, sinesigcebhezane. Futsi sinesigcebhezane lesivela kuNkulunkulu. Amen. Intsengo ibhadelwe, sihlengiwe, sewuphilisiwe.

¹³⁹ Uma ngita kulowesifazane... Manje, Bekangentani, eme lapha? Khona-ke uma Sekavele amphilisile... “Ngemivimba yaKhe saphiliswa *tsine*.” Kwabeka sikhatsi lesendlulile, waphiliswa. Bonkhe bafundisi, bonkhe bafundzi beliBhayibheli niyakwati loko. Sikhatsi lesendlulile.

¹⁴⁰ Manje, uma A—uma Efika lapha, khona-ke Bekangentani? Beka ngaTikhombisa aphila. Futsi besingati kanjani kutsi Bekanguye? Ngoba uMoya waKhe wawutongena kitsi, futsi wente nje ngendlela lefanako lowenta ngayo ngesikhatsi Alapha emtimbeni waKhe. Ngabe kunjalo na? “Mine,” sabito selucobo, “ngitawuba nani, ngibe ngisho nakini. Lemisebenti leNgyentako, nitoyenta. Kusesikhashana nje, neline,” ikhozimosi, luhlelo lwemhlaba, luhlelo lwelibandla, nakanjalonjalo, “ngeke lisaNgibona, noko nine,” liBandla, “nitongibona, ngoba Ngitawuba nani, Ngitawuba ngisho nakini kute cube sekupheleni kwemhlaba. Lemisebenti lengiyentako Mine, nani nitoyenta.” Naku ke. Ngabe uMlayeto wami uliciniso? Uma Unjalo, khona-ke Nkulunkulu utoligcina Livi laKhe.

¹⁴¹ Manje, dzadze, ngibuke umzuzwana nje, ngifuna kukhuluma nawe. Kuzila... Sizatfu nginiletse lapha, ku, kute ngikhone kunihlukanisa kubo bonkhe bantfu, kute ngikhone kukhuluma nawe, wonkhe umuntfu lonemoya. Jesu watsatsa, wakhipha bonkhe bantfu endlini ngesikhatsi Aphilisa indvodzakati yaJayiru. Watsatsa indvodza lesihhulu, noma, indvodza leyimphumphutse futsi wayihola wayikhipha edolobheni, wayisusa esicukwini, kute Akhone, kumsusa, kute Akhulume naye. Kungalesosizatfu nginawe lapha, kukhona lugcobo lwaMoya.

¹⁴² Naloyo wesifazane, angahle angangicondzi, kodvwa uma ningangicondza manje, yetsembeka kimi. Manje nje kukhona lokwentekile kuwe, lommandzi ngempela, umuzwa lozotsile ngetulu kwakho, manje nje. Uma loko kunjalo, phakamisa sandla sakho. Ngibuke ngco kuloko kuKhanya lenikubonako esitfombeni, lokukutsi Jesu Khristu unguloko kuKhanya.

¹⁴³ Ngesikhatsi Alapha kucala, Beka kuNkulunkulu uYise, ekuKhanyeni, bantfwana baka-Israyeli baLilandzela ehlane. Watsi, “Ngivela kuNkulunkulu, futsi ngiya kuNkulunkulu.”

¹⁴⁴ Emvakwekuwa kwaKhe, kungcwatjwa, nekuvuka kulabofile, Sawula bekasendleleni yakhe abheke entasi eDamaseko, nekuKhanya kwamshaya kwamlahla phansi, loko kuKhanya lokufanako, “Sawula, Sawula, uNgihluphelani?”

Watsi, “Ungubani Wena?”

Watsi, “NginguJesu.” Niyabona na? Manje, Loko nguloko kuKhanya lokufanako.

¹⁴⁵ Manje, uma Nkulunkulu atongichazela lokutsite, bani ngufakazi noma ngabe kuliciniso noma cha. Ulapha kimi kutsi ngikhulekele simo sekwetfuka lophetfwe ngiso, kwetfuka. Uma loko kunjalo, jikitisa sandla sakho *kanjena*, kute bantfu babone. Manje, kukhona letinye tintfo, unenkhatsato yenyongo, kuhlaselwa yinyongo. Futsi njengoba ushito loko ngephandle ngalesosikhatsi nje, uMnaketfu Hicks eme edvutane, sitobona kutsi ngabe kungiko yini, noma cha. Ake sibuke umzuzu nje embili. Yebo, ulapha ngalomunye umuntfu, umntfwana wakho logulako, kutsi ushiye ekhaya, ngaphandle kwaloko, unadzadze lonemntfwana logulako lommelele. Uma loko kuliciniso, jikitisa sandla sakho. Ukwemukele loko lokucelile, kukholwa kwakho kukusindzsile. Yani ekhaya, futsi utokutfola kunjalo. Nkulunkulu akubusise. Yonkhe intfo itolunga manje. Kutoba konkhe... Nkulunkulu akubusise manje, hamba ukholwa, yonkhe intfo itolunga nje.

¹⁴⁶ Uyakukholwa loko? Ngabe Uyaphila? Manje, uyati angimati loyo wesifazane. Nginga...? Angati nekutsi ngitsiteni, intfo kuphela lengitoyati kubukisisa lesicopha mavi, lapho sibuya siwacopha. Manje, liBhayibheli latsi, “Uma batsi, futsi kufezeke, loko labakusho, khona-ke kukholweni.” Nginitjelile kutsi Wavuka kulabofile, futsi UkuFakazele, niyakukholwa. Amen.

¹⁴⁷ Manje, nasi, nasi lesinye sitfombe salomunye wesifazane, loku kwenteka kwaba nguvesifazane. Angimati lowesifazane, angikaze ngimbone, sitihambi lomunye kulomunye. Futsi sitive letimbili tebantfu, uyi, ngiyi-Anglo-Saxon futsi—futsi ungumTopiya. Si... Kodvwa ngesikhatsi bakhulumna lowesifazane emtfonjeni, umSamariya, ngesikhatsi lowesifazane waseSamariya atsi kwabakhona lubandlululo, Wamatisa, ngalokukhulu kushesha, kutsi akukho mehluko emkhatsini wemibala lebesingiyo.

¹⁴⁸ Nkulunkulu unguNkulunkulu wesive lesibantfu. Emave lesasihlala kuwo, futsi sintjintje imibala yetfu, akukaphatselani ngalutfo naloko lesingiko. Lomunye wakhuliswa eveni linye futsi wajika wabamtfubi, nalomunye amnyama, nalolomunye abensundvu, nalolomunye amhlophe, futsi loko akukaphatselani ngalutfo nako, sivela esihlahleni sinye, Adamu na-Eva. Kunjalo, sive lesibantfu sachuma kusukela lapho.

¹⁴⁹ Nkulunkulu wami unguNkulunkulu wakho, uMdali wami unguMdali wakho. Kodvwa wena u, ungu—nguwesifazane

lolikhalaatsi, mine, lobitwa ngewesilisa lomhlophe, khona-ke sitive letimbili letehlukene tebantfu. Kodvwa sime njenge (Ngitama kubenta babone lokutsite.) Johane loNgewe sahluko 4, Jesu ahlangana ne—newesifazane lobe kangu mSamariya.

¹⁵⁰ Manje, uma Nkulunkulu atomemetela kimi kutsi iyini inkhatsato yakho, utongikhola kutsi ngingumprofethi waKhe, noma,inceku yaKhe na? Angi... Ngi—ngifanele ngilicapele lelolivi, lisikhube kiso kubantu labanengi; ngako, siyakwati futsi siyakukholwa, abadzingi kutsi bakwati. Uphetfwe timila, letotimila tisendleleni yelitfumbu. Uma loko kunjalo, phakamisa sandla sakho. Uma Nkulunkulu atongitjela kutsi ungubani, utongikhola? Watjela Simoni Phetro kutsi bekangubani, Watjela. Ngabe kunjalo? Khona-ke, Nkkt. Hall, hamb'ekhaya, Jesu Khristu uyakusindzisa. Amen.

¹⁵¹ Manje, nonkhe nine bantfu labangemakhalatsi kholwani yiNkhosi, khona manje. Niyabona na? UyiNkhosi Jesu, longuye itolo, namuhla, naphakadze. NiyaMkholwa? Hloniphani ngekutifoba sibili.

¹⁵² Kulungile naku, ngiyakholwa lomunye dzadze lolikhalaatsi. Wota ngembili. Sitihambi lomunye kulomunye. Njengoba ngishito kulodzadze, ngikholwa kutsi bekunguye, lowendlula, futsi nguloko kuphela, niyati uma kungishiya, embonweni, mine, ngingatati kwamine lucobo, kodvwa ngi...

¹⁵³ Uya kulelinye live, ubona tintfo letenteka kadzeni, nentfo letsite leyenteka kulenye indzawo, khona-ke uyatibuta kutsi ume kuphi uma ubuya, kungalesosizatuf nje kungicedza emandla. Ungawubona lomtselelo lokuwutsatsako. Ngalelinye lilanga ngiyoshiya live, kodvwa live lingke lati, site sibonane Lapho, lengendlula kuko kutama kubenta bati kutsi iNkhosi yami iyaphatseka. Wavuka kulabafile, Akafi, Uyaphila. Hmm! Futsi ngiyakukholwa ngenhlitiyo yami yonkhe.

¹⁵⁴ Uma Nkulunkulu atokwembula kimi kutsi iyini inkhatsato yakho, ngako anginawudzingeka ngingene kulokunengi, kutsi nje inkhatsato yakho iyini, uyangikhola kutsi ngiyinceku yaKhe? Uyayikhola indzaba yami kutsi iliciniso? [Lodzadze utsi, "Yebo."—Umhl.] Kulungile. Batsi ufanele ube nekuhlindvwa, kwesimila. Lesimila sisesiswini. Kunjalo. Ubeka sandla sakho esiswini sakho, lomunye wakucaphela loko, ngikuvile kuvela ngephandle lapho, ngaphambi kwekutsi ngikusho. Manje, uma Nkulunkulu atokwembula kimi kutsi ngubani ligama lakho ke, uto—utongikhola kutsi ngingumprofethi waKhe, nenceku yaKhe na? Nkkt. Cole, buyela ekhaya, usindze. Nkulunkulu akubusise, dzadzewetfu....?

Bani nekukholwa kuNkulunkulu, ungangabati. Uyakhola ngenhlitiyo yakho yonkhe.

¹⁵⁵ Sawubona? Manje, nayi i-Anglo-Saxon ne-Anglo-Saxon. Sitihambi lomunye kulomunye. Angikwati, kodvwa Nkulunkulu uyakwati. Uma Nkulunkulu atokwembula . . .

¹⁵⁶ Manje, umzuzwana nje, intfo letsite etetsamelini, umuntfu lotsite washaya kukholwa, lowesifazane lohleti khona lapho, nenhloko yakhe ikhotseme akhuleka, afake sigcoko lesincane lesiluhlata, lohleti khona phansi lapha embikwami, wesifazane lofana naye losakhulile, lohleti lapho, akhuleka, nesifo sekucacamba kwematsambo. Kulungile, Dzadze, phakamisa sandla sakho nje. Wacalata, wase uyacalata, buka ngalapho. Kulungile, sifo sakho sekucacamba kwematsambo sikushiyile. Awudzingi kutsi ute, uhlale khona lapho ukhona. Chubeka uye ekhaya, Jesu Khristu uyakusindzisa.

¹⁵⁷ Ngifuna kunibuta nine bantfu lokutsite, Utsintseni na? Akaze angitsintse, ngikhweshe ngemafidi langemashumi lamatsatfu kuye. Kodvwa utsintse loyomPhristi loMkhulu. Uyakholwa?

¹⁵⁸ Manje, lowesifazane lowatsintfwa, kutsi watsintsia Nkulunkulu, naNkulunkulu wamtsintsa, ngabe sitihambi lomunye kulomunye, jikitisa sandla sakho, dzadze. Kunjalo, angikwati. Letotintfo taticiniso, lokwashiwo. Ngabe kunjalo? Kulungile, unesicelo sakho, utsintse Jesu Khristu.

¹⁵⁹ Awukatiteli wena lapha, utele lomunye umuntfu lapha. Umuntfu lotsite utophumphutsekisa, baphumphutsekile, umuntfu loyimphumphutse. Kunjalo. Abekho lapha. Kusekhatsi kwekutsi bebaseCalifornia, noma eCalifornia, baseCalifornia, nguwasifazane. Uyakholwa? Khona-ke hamba, futsi njengoba ukholwa, kutoba njalo. Ungangabati. Nkulunkulu akubusise. Bani nekukholwa, ungangabati.

Uyakholwa ngephandle lapha, ngako, nonkhe na? Kholwani nje manje, ngayo yonkhe inhlitiyo yenu.

¹⁶⁰ Sawubona, dzadze? Kulungile. Kungumehluko impela, mhlawumbe, emnyakeni wetfu, mhlawumbe. Kodvwa ngekwati kwami enhlitiyweni yami, lesi sikhatsi sami sekucala kuba nawe, ngime ngakuwe. Angikwati, ngako Nkulunkulu uyakwati. Uma Nkulunkulu atokwembula kimi intfo letsite ngawe kutsi, intfo lefana naleyo lesenhlitiyweni yakho, intfo loyifunako, noma—noma labanye . . . futsi utokwati kutsi ngabe kuliciniso noma cha, ulijaji laloko. Yebo-ke, uma Ati kutsi bekunjani, impela ungatsatsa Livi laKhe nge . . . Uma Angakutjela kutsi bekunjani, uyat kutsi kutoba yini, kutoba liciniso. Kulungile, kwangatsi Angakupha kona.

¹⁶¹ Manje, ndzawanatsite, iNgelosi yeNkhosi yesuka langembili. UMoya waNkulunkulu wahamba . . . NaKu. Nguleyondvodza lelikhalatsi lehleti emuva lapha ekonenzi, ikhuleka. Uphetfwe sifo semankanka. Uma loko kunjalo phakamisa sandla sakho. Kulungile. Utsintse Intfo letsite,

Mnaketfu. Awukaze ungitsintse, angikwati, utsintse umPhristi loMkhulu. UyaMkholwa? Khona-ke sekuphelile.

¹⁶² Kholwani nguYe nje, nginicela kutsi nikholwe nguYe. Angikaze ngiyibone leyondvodza emphilweni yami, uma ngati ngayo, ngaphandle uma isesitaladini, noma yendlula ndzawanatsite, noma ngita ngehla ngenyuka kulelibandla, angiyati lendvodza. Uma usihambi kimi, mnunzane, phakamisa sandla sakho, kute bantfu batokubona, kutsi wena nami sitihambi. Nako laph'ukhona. Niyabona na?

¹⁶³ Manje, ngitjele, ngifuna kunibuta: Itsintseni lendvodza na? Jesu Khristu, umPhristi wetfu loMkhulu. Khona-ke umlayeto wami ngaYe uliciniso, Uyaphila. Khona-ke tsatsa livi lami: Balekelani lamamoshali, futsi nite kuKhristu lophilako, tsatsa ligama lakho, uma liku, lenye incwadzi yelibandla, likhohlwe, ufaka ligama lakho eNcwadzini yaseZulwini, ngelwati lolusha lwekuMemukela, futsi utalwe kabusha.

Sikuphi na? Sikhatsi sini? Kulungile. Ningangivumeli nighlale sikhatsi lesidze kakhulu.

¹⁶⁴ Manje, ngikholwa kutsi lona ngulowesifazane. Ngiyacolisa, dzadze, ngi—ngi—ngifanele nje ngilandzele Loko, indlela Lokuhamba ngayo, nguloko kuphela lenga—lengatiko kukwenta. Ake sibuke eNkhosini, sibone kutsi yini... Yebo. Usesimeni lesibucayi. Unesimila, futsi ukhatsatekile ngaso. Ucabanga kutsi uma Nkulunkulu angangitjela kutsi lesosimila sikuphi, bekungasita kukholwa kwakho? Bekungasisita na? Sisebeleni, sisebeleni langesekudla. Liciniso lelo, akunjalo na? Awume kancane. Yebo, unalomunye enhlitiywensi yakho, futsi ngumuntfu lobe kangumKhristu. Wena u, ungumake wentfombatane lehlulwa tidzakamizwa leyaphiliswa ekutsatseni tidzakamizwa emhlanganweni wami. Ligama lakhe nguHelena, bekangumdansi, noma *intfo lenye letsite*. Naleyo ntffombatane iba butsakatsaka, isuka kuNkulunkulu, futsi isenhlitiywensi yenu kutsi niyikhulekele, loyo ngu ISHO KANJE INKHOSI. Liciniso lelo. Kulungile. Wota lapha.

¹⁶⁵ EGameni laJesu Khristu, buyisa loyomntfwana, philisa lomake wentele ludvumo lwaNkulunkulu. Amen.

Ungangabati, bani kahle.

¹⁶⁶ “Uma ungakholwa, konkhe kungenteka.” Uyakholwa? Bangakhi lokukhumbulako loko ekucaleni, lapho ngitodzingeka ngitsatse sandla semuntfu futsi ngisibeke kukwami, bewuyotibona letotintfo tenteka? Bangakhi lokukhumbulako loko? Bangakhi lokhumbulako kutsi nganitjela kutsi iNkhosi yangitjela kutsi kuyofezeka, uma ngiyotifoba futsi ngibecotfo, kutsi ngiyoba...kuyokwembula timfihlo tetinhlitiyo, uma bangasikholwanga lesosibonakaliso sekucala, njengoba benta ngaMosi, sibonakaliso sesibili besiyoba kuso? Bangakhi

lokukhumbulako loko? Wena utsi, “Ngabe Nkulunkulu uyasisusa siph?” Cha, mnumzane.

¹⁶⁷ Wota lapha, mnumzane. Angikwati, usihambi kimi. Beka sandla sakho etikwesami. Yebo, mnumzane. Yenyukela lapha. Inkhatsato yesisu. Kunjalo. Ake ngikukhombise lokutsite. Buka lapha, tsatsa lesi lesinye sandla sakho, beka lesandla kusami. Kute umehluko, ngabe ukhona na? Caphelani *lona*, niyabona lapha, kute umehluko. Manje, ngibeke sandla sami etikwakhe. Kute umehluko, ngabe ukhona? Manje, bukisisani uma nibeka lesandla *lesi*, nako kufika umehluko, kuvuvuka, nemachashata lamancane labovu agijima ancamula kulo, noma, ngicondze emachashata lamancane lamhlophe agijima ancamula. Bukani kutsi sandla sami sagucuka kanjani. Niyabona na? Loko kufana ne... Niyabona, lokungiko, kugcotjwa, kungaleso sizatfu kubeka tandla etikwalabagulako, ngaphansi kwelugcobo, niyabona, kubeka tandla etikwalabagulako, labagcotjiwe.

¹⁶⁸ Akusimi lowenta letintfo leti, angitati, angibati labantfu, angikwati. Kodvwa niyabona, kukhona intfo letsite kuwe lengakubulala. Niyabona na? Futsi loyo ngudeveli, umoya, intfo *letsite* lephilako, ledla, imphilo letama kutsatsa imphilo yakho, kungaleso sizatfu kuzizitela emuva.

¹⁶⁹ Manje, bukisisani nje, kute nyciniseke kubuka. Manje, bukani lapha, akusiyi indlela lengihambisa ngayo sandla sami, kusobala leto—letotintfo letimhloph...Bukani, niyasibona sandla sami lapha? Niyabona na? Manje, bukani, ngitotsatsa lesandla sakho, niyabona, ngitsatsa sandla sakho sangesencele. Manje, asikwenti lapho. Manje, beka *lona* lapha. Manje, nako ke. Niyabona na? Manje, ungumuntfu nje impela *kulesandla lesi* njengoba unjalo nakulesandla lesi. Ngabe kunjalo na? Kodvwa niyabona, kuyini na? Sandla sakho sekudla kimi, kutsi uyangikhola; sandla sami sangesencele kuwe, enhlitiyweni yami, kutsi ngiyanitsandza; sandla sami sangesekudla kuNkulunkulu, kutsi UnguMholi wami—UnguMsindzisi wami, uMsindzisi wami.

¹⁷⁰ Manje, wotani lapha umzuzwana nje, ngifuna nibukisise, angibeke sandla sami *lapha*, kute nikubone. Manje, uma kuhamba... Manje, ngaMoya waNkulunkulu, ngikhola kutsi ngingakwenta kuhambe, kodvwa ngingeke ngikukhweshise, kodvwa uma ungakubona kuhamba, khona-ke loko kutokusita, kungeke, ku...? Yebo, mnumzane. Manje, manje, bukisisani manje, kute nitociniseka manje, beka lesandla lesi *lapha*, sinye lengibeke sandla sami etikwaso. Niyabona na? Manje, lesi lesinye sandla *lapha*, niyabona, ngako ni... Nako ke. Manje, ngifuna nivule emehlo enu, ngifuna nikubukisise.

Ngifuna tetsameli tikhotsamise inhloko yakho, umzuzu nje.

¹⁷¹ Babe wetfu loseZulwini, kungesiko kukhombisa, kodvwa sisetinsukwini tekugcina, sisema-aweni ekugcina elusuku,

lilanga liyashona, tibane takusihlwa tiyakhanya, umprofethi watsi, "Kuyoba kukhanya ngesikhatsi sakusihlwa." Watsi kuyobakhona lusuku lolungayubitwa ngemini noma busuku, nguloko lesibe nako, tinhlangano nje, emahlelo, kodvwa ngesikhatsi sakusihlwa, kuyoba kuKhanya. Kukhanya kuphuma emphumalanga futsi kushone enshonalanga, imphucuko ihambe nelilanga. KuKhanya kwavela emphumalanga, kubantfu basemphumalanga, iNdvodzana yaNkulunkulu. Futsi manje lilanga liyashona enshonalanga, nemphucuko isuke yonkhe indlela kuya enshonalanga, lokulandzelako yimphumalanga, kuKhanya kwakusihlwa kuyakhanya.

¹⁷² Lendvodza ibuke sandla sami. Manje, iyabona kutsi loko kusasolo kuzizitela esandleni sami. Uyagula, Babe, ngikhulekela sihawu, ngikhulekela kutsi Utokwenta kumshiye, ngaKhristu iNkhosi yetfu.

¹⁷³ Manje, kulihlazo. Ngaphambi kwekutsi ngivule emehlo ami, akukagucuki, ngalokufanako nje. Ngabe kunjalo, mnumzane na? [Lomnaketfu utsi, "Kunjalo."—Umhl.] Intfo lefanako nje. Manje, umzuzu nje, wonkhe umuntfu uyakholwa manje.

¹⁷⁴ Nkhosi, ngilitjelile lelicembu lelincane lebantfu, lapha kusihlwa, kutsi Wavuka kulabafile, futsi watsi, "NgeliGama laMi bayokhipha emadimoni." Leyondvodza iyati kutsi develi unggumhluphi. Naleligama lelitsi *develi* lichaza kutsi "umhluphi." Ngako ubuke sandla sami, ubona kuntjintja kwaso emehlwani akhe lucobo, uyakubukela, ucaphele kubona kutsi kwentekani. Sita, Nkhosi, Unika setsembiso, ngiyaKukholwa.

Sathane, eGameni laJesu Khristu phuma kulendvodza!

Manje, ngaphambi kwekutsi ngisuse sandla sami, noma nente noma yini, sekuhambile akukahambi na? [Lomnaketfu utsi, "Yebo."—Umhl.]

Manje, vula emehlo akho. Angikaze ngibuke sandla sami, ya, nako ke.

¹⁷⁵ Manje, buka lapha, mnumzane. Tsatsa lesandla lapha. Uyabona kutsi sibukeka kanjani? Tsatsa lesandla lesi lapha. Uyabona kutsi sibukeka kanjani? Manje, kukhona lokwentekile, akunjalo na? Sekuhambile, sewukhululekile. Hamba, Jesu Khristu ukusindzisile, kholwa ngayo yonkhe...

¹⁷⁶ Kulungile, uyakholwa ngenhlitiyo yakho yonkhe na? Bani nekukholwa nje kuNkulunkulu, ungangabati. Wota, vumela umuntfu lolandzelako ete. Manje, ungangabati, bani nekukholwa kuNkulunkulu. Ngisakuva loko emuva lapho, kutsi ngi... Manje, bukani, ngitojikisa inhloko yami, bukisisani lapha.

¹⁷⁷ Wota lapha, dzadze, tsintsia sandla sami nje. Uma Nkulunkulu atokwembula kimi, ngibuka *ngalapha*, kutsi yini inkhatsato yakho, uyangikholwa kutsi ngiyinceku

yaKhe? Utokwenta, lodzadze na? Kulungile. Uyakholwa kutsi Nkulunkulu utoyiphilisa inkhatsato yakho yenhlitiyo, futsi akusindzise na? Uyakukholwa? Utokwenta...inkhatsato yenhlitiyo, akusindzise na? Uyakwemukela? Phakamisa sandla sakho. Kulungile, hamba ngendlela yakho, upholisiwe, utsi, "Akabongwe Nkulunkulu." Kholwa ngayo yonkhe inhlitiyo yakho. Kulungile, mnumzane.

¹⁷⁸ Manje, dzadze, uma utokholwa kutsi ungeke ukhubateke kulesosifo sekucacamba kwematsambo, Utokusindzisa. Uyakukholwa loko? Chubeka nje uhambe, futsi utsi, "Ngiyakubonga, Nkhosi." Hamba, ukholve. Kulungile.

¹⁷⁹ Wota manje, dzadze. Manje, uyintfombi. Yini inkhatsato yakho kwetfuka. Ungeke nje uyitfole indzawo longayicala. Ngabe kunjalo? Konkhe...bayakutjela, "Hlambuluka," futsi konkhe kusengcondvweni yakho, kodvwa akunjalo. Intfo letsite ikwenta wesabe, niyabona, kunjalo, futsi uyatfuka. Lena yindzawo yakho.

Phuma kulowesifazane, Sathane! Ngikuphonsela insayeya, eGameni laJesu Khristu, kutsi umshiyelowesifazane!

Manje, ucalile, chubeka nje uhambe. Welulame, eGameni laJesu Khristu.

¹⁸⁰ Wota. Manje, lona wesifazane waphiliswa ngesikhatsi ahleti esitulweni, ngentfo lefanako, ngako kuncono uvele nje uchubeke. Kwakho ngiso sikhatsi...Chubeka nje uhambe, Jesu Khristu uyakusindzisa.

Uyakholwa ngenhlitiyo yakho yonkhe? Umzuzwana nje.

¹⁸¹ Loyodzadze, lotsi kuba sidudla, lohleti lapho angibuka, ne-herniya, uyakholwa kutsi Nkulunkulu utokusindzisa? Kulungile, ungaba nako lolokucelako.

¹⁸² Angimati lodzadze, angikaze ngimbone emphilweli yami, kodvwa bekakhuleka loku. Emizuzwaneni lembalwa nje leyendlulile loko kuKhanya kwakusetikwakhe, bekakhulekela Nkulunkulu kutsi ambite kusihlwa.

¹⁸³ Uma loko kunjalo, jikitisa sandla sakho siye emuva nasembili, dzadze, kanjena, niyabona, kute batobona. Kulungile, nako laph'ukhona. Uma utokholwa, kutosuka kuwe. Bani nekukholwa nje kuNkulunkulu, ungangabati. Amen.

¹⁸⁴ Le—lendvodza lelandzelako, cha, nguvesifazane, eceleli kwakhe, lohleti lapho, lonaleto tinhlungu tenhloko, uyakholwa kutsi Nkulunkulu utokusindzisa? Phakamisa tandla takho uma ufuna, yemukela kuphiliswa kwakho.

Banini nekukholwa kuNkulunkulu, ningangabati.

Kube-ke bengikutjelile, bewuvele upholisiwe, bewungangikholwa? Chubeka nje uhambe, Jesu Khristu uyakusindzisa.

Aniboni kutsi UnguNkulunkulu?

¹⁸⁵ Naku kuhleti wesifazane lolikhalaatsi, wesifazane wesibili lohleti lapho esitulweni, ahleti khona lapho, angibuka. Uyakholwa kutsi Nkulunkulu angasisusa lesosimo sekuphelelwa yingati kuwe, futsi akusindzise na? Khona-ke ungaba nako lolokucelako. Hamba, futsi ukholwe. Uh-huh. Bani nekukholwa.

Kube-ke bengitsite, “Jesu Khristu uyakusindzisa,” bewungangikholwa? Kulungile, hamba, futsi welulame.

¹⁸⁶ Kube-ke bengikutjele kutsi inkhatsato yakho yelicolo iphilisiwe ngesikhatsi usehleti lapho, uyangikholwa na? Khona-ke chubeka nje uhambe, utsi, “Ngiyakubonga, Nkhosi.”

¹⁸⁷ Kube-ke bengikutjele uhleti entasi lapho, dzadze, “Kholwa ngenhlitiyo yakho yonkhe, leyonkhatsato yenhloko . . .” lofake lesosigcoko lesimnyama, loyodzadze lolikhalaatsi lohleti khona lapho lolandzelako, uyakholwa kutsi Nkulunkulu angakuphilisa loko, futsi akusindzise, lenkhatsato yenhloko na? Uyakukholwa? Uywemukela? Phakamisa sandla sakho uma ukwenta. Kulungile, ungaba nako lolokucelako.

¹⁸⁸ Bangakhi kini ngephandle lapho labakholelwa eNkhosini Jesu Khristu, labakholwako kutsi UnguJesu lovukile? Bangakhi lowatiko kutsi “Letibonakaliso leti tiyobalandzela labakholwako”? Phakamisani tandla tenu. Mangakhi emakholwa lalapha? Phakamisani tandla tenu. Bangakhi lowatiko kutsi Uyaphila? Khona-ke bekani tandla tenu etikwalomunye nalomunye, ngitonikhulekela, nonkhe ningaphiliswa. Uyaligcina Livi laKhe *lapha*, Uyaligcina Livi laKhe *lapho*. Niyakukholwa? Bekani tandla tenu etikwalomunye nalomunye ke, futsi nikhulekelane.

¹⁸⁹ Babe wetfu loseZulwini, sinikela letetsameli leti kuWe, njengebantfu labakholwako, Khristu lovukile. Ngale kwelitfunti lekungabata, Awukafi, kodvwa Uphila kute kube phakadze, uMncobi lomkhulu. Bafikile, babonile, manje kwangatsi bangahamba batjele labanye kutsi Akafi, Akekho ethuneni, noma inhlango, kodvwa Uyaphila etinhlitiyweni tebantfu baKhe. Siphe kona, ngeliGama laJesu Khristu.

Mnaketfu Hicks, tsatsa lombhobho. 

61-0424 Tindzaba Letishisako
letinkhulu Kunato Tonkhe Emlandvweni
EStephen Mather High School
EChicago, E-Illinois E-U.S.A.

SWATI

©2024 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Inotsisi yelilungelo lemtsetfo

Onkhe emalungelo agodliwe. Lencwadzi ingaprintwa ngeprinta yasekhaya yentelwe kutsi umuntfu atisebentisele yena noma kutsi iniketwe labanye, mahhala, njengelithulusi lekusabalalisa liVangeli laJesu Khristu. Lencwadzi akukamele itsengiswe, iphindze ikhicitwe tibetinengi, iposwe kuwebsayithi, igcinwe ngeluhlelo lwekutsi iphindze itfolakale, ihunyushelwe kuletinye tilwimi, noma isetjentiselwe kuticelela timali ngaphandle kwemvumo lebhaliwe lecondzile ye Voice Of God Recordings®.

Mayelana nelwati lolwenetiwe noma lwalwenye impahla lekhona, sita uchumane ne:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org